



MØTEINNKALLING

Utval: Kommunestyret
Møtedato 03.12.2020
Møtetid: Kl. 08:30
Møtestad: Fjernmøte via Teams

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

Knut Harald Frøland
ordfører

SAKLISTE

Saker til handsaming på møtet

Sak nr.	Arkivsak	Sakstittel	Merknad
087/2020	20/991	Faste saker	
088/2020	19/804	Val av forliksråd og møtefullmektigar - perioden 2021-2025	
089/2020	19/804	Suppleringsval - Styremedlem i Tomas Martin Nordvik stiftelse - ut perioden (til og med 31.12.2023)	
090/2020	20/260	Val av ny 4. varamedlem for grupperinga Bygdalista, Framstegspartiet og Kristeleg Folkeparti i naturutvalet	
091/2020	20/645	Fornying av skjenkeløyve for alkoholhaldig drykk - i "Varmestova" i Eikedalen skisenter	
092/2020	18/1095	Endeleg vedtak av detaljreguleringsplan for Eikedalen hyttegrennd	
093/2020	18/1787	Vedtak av delegeringsreglement for Samnanger kommune	
094/2020	20/889	Godkjenning av møteplan for 2021	
095/2020	20/342	Økonomirapportering pr november	
096/2020	20/497	Rullering av handlingsprogram og prioritering av spelemiddelsøknader 2020	
097/2020	20/810	Utarbeiding av kommunal handlingsplan for forebygging av sjølvsmord og sjølvskading	
098/2020	19/507	Leve hele livet	
099/2020	18/1787	Godkjenning av forskrift om økonomisk godtgjersle, dekking av utgifter m.m. for folkevalde i Samnanger kommune	
100/2020	20/890	Diverse kommunale avgifter og gebyr 2021	
101/2020	20/894	Gebyrregulativ 2021 for bygge- og delingssaker, plansaker, saker etter Matrikkellova, Forureiningslova og tiltak i sjø	
102/2020	18/1050	Renovasjonsgebyr 2021	
103/2020	18/693	Husleige 2021 - Omsorgsbustader og anna lokale	
104/2020	20/418	Budsjett og økonomiplan 2021-2024	
1	20/25	Interpellasjon om talerett for ungdomsrådet, eldrerådet og rådet for personar med nedsett funksjonsevne	
2	20/25	Interpellasjon frå senterpartiet - KommuneTv	

Oversikt faste saker

- Godkjenning av innkalling og sakliste
- Eventuelle merknader til protokoll frå førre møte
- Delegerte vedtak/referatsaker
- Utvalet sitt kvarter



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 20/991	Løpenr: 20/10589
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	03.12.2020	087/2020

Faste saker

Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

Oversikt over faste saker:

Godkjenning av innkalling og sakliste.
Eventuelle merknader til protokoll frå førre møte.
Delegerte vedtak/referatsaker.
Utvalet sitt kvarter.

Oversikt over interpellasjonar:

Interpellasjon frå MDG v/ Øyvind Strømmen – Talerett for ungdomsrådet, eldrerådet og råd for personar med nedsett funksjonsevner.
Interpellasjon frå Sp v/ Monica Tjønna – KommuneTv.

Oversikt over referatsaker:

Budsjettinnspel frå eldrerådet.
Budsjettinnspel frå ungdomsrådet.
Budsjettinnspel frå Klubben på Samnanger ungdomsskule.
Budsjettinnspel frå lærarane på Samnanger barneskule.
Budsjettinnspel frå FAU på Samnanger ungdomsskule.
Endringar i barnehagelova gjeldande frå 01.01.2021 – presentasjon frå Fylkesmannen i Vestland.
Møteplan kontrollutvalet 2021.
Nytt frå «Leve heile livet» arbeidet i Vestland.



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 19/804	Løpenr: 20/10424
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	03.12.2020	088/2020

Val av forliksråd og møtefullmektigar - perioden 2021-2025

Arbeidsutvalet sitt framlegg til vedtak:

Følgjande personar vert valde til Forliksrådet i Samnanger kommune for perioden 2021-2025:

Namn:	Funksjon:
Håvard Tvedterås	Leiar
Anne Gro Aadland	Medlem
Johannes Solsvik Bruvik	Medlem
Cato Dyrseth Herland	Varamedlem
Anita Lønnebakken Søvild	Varamedlem
Jan Magnar Kolltveit	Varamedlem

Følgjande personar vert valde til møtefullmektigar i Samnanger kommune for perioden 2021-2025:

- Tyra Erna Pedersen
- Anne Frøland
- Jarle Grønsdal

Dokument som ikkje er vedlagt:

Domstollova

Twistelovforskriften

Kva saka gjeld:

Kommunestyret i Samnanger skal velgja nytt forliksråd og nye møtefullmektigar for perioden 01.01.2021 – 31.12.2024.

Framlegg til vedtak er utarbeida av arbeidsutvalet for val av ymse nemnder, råd, utval m.m nedsett av kommunestyret jf. vedtak i KS-sak 067/2019.

Medlemmar og varamedlemmar i Forliksrådet:

Føresegna i domstollova §§53 og 56 set krav om at forliksrådsmedlemmene må vera:

- norsk statsborgar
- vederheftige
- ikkje frådømd stemmerett i offentlege høve
- fylt 25 år
- under 70 år ved starten av valperioden
- særskilt eigna til oppgåva og beherske norsk skriftleg og munnleg godt

Personar som ikkje er busette i kommunen kan nekte å ta imot val.

Representantar frå arbeidsutvalet har, før kommunestyremøte 03.12.2020, vore i kontakt med alle kandidatane i framlegg til vedtak. Samtlege personar fyller krava i domstollova §§53 og 56 og har sagt ja til å stilla til val.

Føresegna i domstollova §71 oppgjer kven som er utestengde på grunn av stilling:

1. *Stortingets representanter og vararepresentanter,*
2. *statsrådens medlemmer, statssekretær, statsrådenes personlige politiske rådgiverer og ansatte ved Statsministerens kontor,*
3. *fylkesmenn og assisterende fylkesmenn,*
4. *utnevnte og konstituerte dommere og ansatte ved domstolene,*
5. *ansatte ved påtalemyndigheten, i politiet og kriminalomsorgen og personer som er tildelt begrenset politimyndighet,*
6. *ansatte i Jusisdepartementet, Politidirektoratet og Domstoladministrasjonen og dens styre,*
7. *ansatte og studenter ved Politihøgskolen og Fengselsskolen,*
8. *praktiserende advokater og advokatfullmektiger,*
9. *kommunens administrasjonssjef (medlemmene av kommunerådet i kommunen med et palamentarisk styringssystem) og andre kommunale tjenestemenn som tar direkte del i forberedelsen eller gjennomføringen av valget.*

Sakshandsamar har undersøkt at ingen av kandidatane i arbeidsutvalet sitt framlegg er utestengt pga. stilling. Dette utifrå opplysningar som kandidatane sjølv har gitt kommunen.

Sakshandsamar har sendt førespurnad til Finnmark politidistrikt om vandelsvurdering jf. domstollova §72 og etter reglane i politiregisterloven §45 for kandidatane i arbeidsutvalet sitt forslag. Alle kandidatane på lista vart godkjende av politiet.

Arbeidsutvalet sitt framlegg til vedtak - Forliksråd:

Namn:	Funksjon:	Merknad:
Håvard Tvedterås	Leiar i forliksrådet	Ny
Anne Gro Aadland	Medlem	Attval
Johannes Solsvik Bruvik	Medlem	Attval
Cato Dyrseth Herland	Varamedlem	Ny
Anita Lønnebakken Søvild	Varamedlem	Attval
Jan Magnar Kolltveit	Varamedlem	Attval

Møtefullmektig i Forliksrådet:

Det skal, i følge reglane i tvistelovforskriften §3, vera eit utval av faste møtefullmektigar ved kvart forliksråd. Det er kommunen som skal oppnemna møtefullmektigane for opptil fire år om gongen. Antal medlemmar må tilpassast saksmengd og kommunen sitt innbyggjartal, med eit minimum på 3 medlemmar.

Krav til dei som skal veljast som møtefullmektig jf. tvistelovforskriften §3:

- må vera over 25 år
- må ha god alminneleg og samfunnsmessig kunnskap
- meistre skriftleg og munnleg norsk

Arbeidsutvalet har, før møtet i kommunestyret 03.12.2020, vore i kontakt med dei tre kandidatane for spørja om dei vil stilla til val. Dette har dei sagt ja til.

Arbeidsutvalet sitt framlegg til vedtak - Møtefullmektigar:

Namn:	Merknad:
Tyra Erna Pedersen	Attval
Anne Frøland	Ny
Jarle Grønsdal	Ny



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 19/804	Løpenr: 20/10452
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	03.12.2020	089/2020

Suppleringsval - Styremedlem i Tomas Martin Nordvik stiftelse - ut perioden (til og med 31.12.2023)

Arbeidsutvalet sitt framlegg til vedtak:

Arild Røen (H) vert ny medlem i Tomas Martin Nordvik Stiftelse ut gjeldande periode 2020-2023. Styret konstituerar seg sjølv.

Dokument som er vedlagt:

Brev frå styremedlem datert 03.09.2020
Vedtekter Tomas Martin Nordvik Stifting - datert 23.08.2017

Dokument som ikkje er vedlagt:

Lov om stiftelser

Kva saka gjeld:

Hanne Yndestad Aadland har i brev datert 03.09.2020 gjeve melding om at ho trekjer seg som styremedlem i Tomas Martin Nordvik stiftelse. Ho har informert resten av styret om dette. Kommunestyret må difor velgja ein ny styremedlem i stiftinga som skal erstatta Aadland.

Vurderingar og konsekvensar:

Det er arbeidsutval for val av ymse nemnder, råd, utval m.m, nedsett av kommunestyre jf. vedtak i KS-sak 067/2019, som set fram framlegg til vedtak i denne saka.

Det noverande styre i Tomas Martin Nordvik stiftelse vart vedteke i kommunestyret i 2019. (KS-sak 093/2019)

Styremedlemmer Tomas Nordviks stifting 2019-2023	
1	Solvor Aadland
2	Hanne Yndestad Aadland
3	Karl B. Kollbotn

Forslaget frå arbeidsgruppa er at Arild Røen (H) går inn som styremedlem for Hanne Yndestad Aadland ut denne perioden. Han er ein av medlemmene i arbeidsutvalet, og har i utvalsmøtet

19.11.2020 bekrefta at han er villig til å stilla til val som styremedlem i stiftinga ut perioden til om med 31.12.2023. Røen har også tidlegare vore styremedlem i stiftinga, og veit difor mykje om stiftinga og arbeidet den driv.

I følgje vedtektene (punkt 4) skal stiftinga sitt styre ha 3 medlemmer. I punkt 5 står det at styremedlemmene skal veljast av Samnanger kommune og ha interesse for lokalhistorie.



SAKSFRAMLEGG

Sakshandsamar: Jan Erik Boge	Arkivkode: FE-033, TI-&16
Arkivsaksnr: 20/260	Løpenr: 20/10451
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	03.12.2020	090/2020

Val av ny 4. varamedlem for grupperinga Bygdalista, Framstegspartiet og Kristeleg Folkeparti i naturutvalet

Rådmannen sitt framlegg til vedtak:

Saka vert lagt fram utan tilråding frå rådmannen.

Dokument som ikkje er vedlagt:

Kommunelova (<https://lovdata.no/dokument/NL/lov/2018-06-22-83>)

Kva saka gjeld:

I kommunestyresak 071/2020 vedtok kommunestyret 28.10.2020 at Oskar Konrad Kienitz (Bygdalista) trer ut av verva sine som folkevald i Samnanger kommune med verknad frå 29.10.2020. Bakgrunnen for dette er at han har meldt flytting til annan kommune.

Som følge av vedtaket må det veljast ny 4. varamedlem for grupperinga Bygdalista, Framstegspartiet og Kristeleg Folkeparti i naturutvalet. Dette valet vart ikkje gjort i kommunestyremøtet 28.10.2020.

Lovgrunnlag

Reglar om opprykk, nyval og supplering står i kommunelova § 7-10. I fjerde avsnitt i denne paragrafen står det følgjande:

«Hvis et medlem eller varamedlem av et annet folkevalgt organ enn kommunestyre, fylkesting, kommunestyrekomité eller fylkestingskomité trer endelig ut, skal det velges et nytt medlem eller varamedlem. Det nye medlemmet skal velges fra den samme gruppen som det uttredende medlemmet tilhørte. Hvis dette vil føre til at ett kjønn vil bli representert med mindre enn 40 prosent av medlemmene i organet, skal det, hvis det er mulig, velges et nytt medlem fra det underrepresenterte kjønnnet.»

Etter reglane i sjuande avsnitt i § 7-10 skal den nye varamedlemmen tre inn på den same varamedlemsplassen i naturutvalet som Oskar Konrad Kienitz hadde (4. varamedlem for for grupperinga Bygdalista, Framstegspartiet og Kristeleg Folkeparti). Grupperinga må sjølv foreslå kandidat til denne varamedlemsplassen.

Grupperinga vil i dette tilfellet ha høve til å velja om ei kvinne eller ein mann skal vera kandidat, fordi dei andre varamedlemmene til grupperinga i dag er to kvinner og to menn.

For å vera valbar, må kandidaten oppfylle følgjande vilkår, jf. reglar i kommunelova § 7-2 tredje avsnitt:

- a. Han eller ho har stemmerett ved kommunestyre- og fylkestingsvalg.
- b. Han eller ho er innført i folkeregisteret som busett i kommunen eller i ein av kommunane i fylket på tidspunktet for det aktuelle valet.
- c. Han eller ho har skriftleg samtykka til å stilla til val.

Grupperinga sjølv må innhenta skriftleg samtykke frå kandidaten før handsaminga i kommunestyret.



SAKSFRAMLEGG

Sakshandsamar: Marianne Soleng	Arkivkode: FA-U63
Arkivsaksnr: 20/645	Løpenr: 20/9647
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	12.11.2020	047/2020
Kommunestyret	03.12.2020	091/2020

Fornyng av skjenkeløyve for alkoholhaldig drykk - i "Varmestova" i Eikedalen skisenter Løyveperioden 2020-2024

12.11.2020 Formannskapet:

Handsaming i møtet:

Rådmannen sitt framlegg vart vedteke med 7 mot 2 røyster.

For	Imot
Knut Harald Frøland (Bl)	Øyvind Røen (Sp)
Lena Tveit (Bl)	Gunn Totland Moss (Krf)
Martin Haugen (Bl)	
Shirin Kvernes Khadoor (Ap)	
Jon Magne Borgevik (Ap)	
Øyvind Strømmen (MDG)	
Odd Arne Haga (Frp)	

FORM- 047/2020 Vedtak:

Varmestuen 2 AS (org.nr: 820 213 122) får med heimel i Alkoholloven §1-6 løyve til skjenking av alkoholhaldig drykk (Gr. 1,2 og 3 jf. alkoholforskriften §1-1) i Eikedalen skisenter AS (org.nr: 931 921 568) sitt lokale «Varmestova» i Kråvegen 108, 5650 Tysse i Samnanger kommune.

Løyve gjeld:

- Skjenking av alkoholhaldig drykk (gr. 1 og 2) frå kl. 12:00 til kl. 02:00.
- Skjenking av alkoholhaldig drykk (gr. 3) frå kl. 13:00 til kl. 02:00 (jf. Al §4-4, 4.ledd)
- Også eit avgrensa uteområde/ terassen utanfor lokalet.

Styrar for løyvet: Silvia Cadegan (f. 08.11.1979)
Stedfortredar for styrar: Kari Nedrebø (f. 05.12.1982)

Løyvet gjeld til om med 30.09.2024.

Rådmannen sitt framlegg til vedtak:

Varmestuen 2 AS (org.nr: 820 213 122) får med heimel i Alkoholloven §1-6 løyve til skjenking av alkoholhaldig drykk (Gr. 1,2 og 3 jf. alkoholforskriften §1-1) i Eikedalen skisenter AS (org.nr: 931 921 568) sitt lokale «Varmestova» i Kråvegen 108, 5650 Tysse i Samnanger kommune.

Løyve gjeld:

- Skjenking av alkoholhaldig drykk (gr. 1 og 2) frå kl. 12:00 til kl. 02:00.
- Skjenking av alkoholhaldig drykk (gr. 3) frå kl. 13:00 til kl. 02:00 (jf. Al §4-4, 4.ledd)
- Også eit avgrensa uteområde/ terassen utanfor lokalet.

Styrar for løyvet: Silvia Cadegan (f. 08.11.1979)
Stedfortredar for styrar: Kari Nedrebø (f. 05.12.1982)

Løyvet gjeld til om med 30.09.2024.

Dokument som er vedlagt:

Aksjebok pr 2020
Uttale frå Skatteetaten
Uttale frå Politiet

Dokument som ikkje er vedlagt:

Søknad med vedlegg
Alkoholloven med forskrifter
Uttale frå NAV

Kva saka gjeld:

Kommunen har motteke søknad om fornying av skjenkeløyve frå Varmestuen2 AS. Firmaet fekk i 2018 (kommunestyresak 036/18) følgjande kommunalt løyve for skjenking av alkoholhaldig drykk i lokalet «Varmestova» dei disponerer i Eikedalen skisenter.

KS- 036/2018 Vedtak:

Varmestova2 AS (org.nr: 820 213 122) får med heimel i Alkoholloven §1-6 løyve til skjenking av alkoholhaldig drykk (gr. 1, 2 og 3 jf. alkoholforskriften §1-1) i Eikedalen skisenter AS (org.nr: 931 921 568) sitt lokale «Varmestova».

Løyve gjeld:

- skjenking av alkoholhaldig drykk (gr. 1 og 2) frå kl.12:00 til kl.02:00.
- skjenking av alkoholhaldig drykk (gr. 3) frå kl.13:00 til kl.02:00 (jf. Al§ 4-4, 4.ledd).
- også eit avgrensa uteområde/ terassen utanfor lokalet.

I søknaden vert det søkt om følgjande skjenketider:

Type alkohol	Inne		Uteareal	
	Frå kl.	Til kl.	Frå kl.	Til kl.
Gr. 1	12:00	02:30	12:00	01:00
Gr. 2	12:00	02:30	12:00	01:00
Gr. 3	12:00	02:30	12:00	01:00

Vurderingar og konsekvensar:

Skjenketid:

I alkoholloven §4-4. 4. ledd er det fastsett maksimaltid for skjenking. Kommunen kan ikkje fastsetja skjenketider som går utover dette. I praksis betyr det at det er forbode å skjenke alkoholholdig drykk i gruppe 3 mellom kl. 03:00 og 13:00. Kommunen har difor ikkje høve til å gje løyve til skjenking i gruppe 3 frå kl. 12:00 som søkjar ønskjer.

Kommunestyret har ikkje, verken i denne perioden eller førre, gjeve løyve til å skjenke alkoholhaldig drykk etter kl. 02:00. Det vil difor ikkje vera naturleg at det vert gjeve løyve om skjenketid utover dette i denne saka. I tillegg til skjenketid kjem uansett "fortæringstid" på ein halv time jf. Al.§4-4, 6. avsnitt.

Uttalar:

Administrasjonen har bedt om uttale frå Skatteetaten, NAV og Politiet samt vandelssjekka styrar, stedfortredar, dagleg leiar og eigar jf. Al.§1-7b og 1-7c.

NAV har ikkje merknader i denne saka.

Skatteetaten sine merknader ligg som vedlegg til dette saksframlegget. Merknadane vert vurdert som å ha mindre betydlege i denne saka då MVA-melding og skattemelding no er innlevert. Informasjon om tidlegare eigar er sladda.

Politiet sine merknadar til søknad og vandelssjekk ligg som vedlegg til dette saksframlegget. Då den eine eigaren nyleg har trekt seg ut av firmaet, er opplysningar om denne personen sladda i vedlegget. Aksjebok datert 22.10.2020 bekreftar også dette. Aksjebok ligg også vedlagt dette saksframlegget.

Rådmannen si vurdering av merknadane frå politiet:

Spørsmålet er om person 1 tilfredsstiller kravet til "uklanderlig vandel".

Slik vandelskravet i alkohollova er formulert, i § 1-7c, må styrar ha "...utvist uklanderlig vandel i forhold til alkohollovgevingen og bestemmelser i annen lovgivning som har sammenheng med alkoholovens formål».

Spørsmålet er om dei aktuelle førelegga er knytte til «bestemmelser i annen lovgivning som har sammenheng med alkoholovens formål".

Formålet i alkohollova er slik formulert, i § 1-1: "Reguleringen av innførsel og omsetning av alkoholholdig drikk etter denne lov har som mål å begrense i størst mulig utstrekning de samfunnsmessige og individuelle skader som alkoholbruk kan innebære. Som et ledd i dette sikter loven på å begrense forbruket av alkoholholdige drikkevarer."

Politiet har opplyst at person 1 har to "uavgjorte" sak om overtredelse av lotterilova. Dette må oppfattast dit hen at sakene ikkje er påtalemessig avgjort. Lotterilova regulerer forhold som gjeld lotteri, og har det er svært lite sannsynleg at det potensielle lovbrøtet har noko med alkohollova sitt formål å gjere.

Det er dessutan viktig å merke seg at dette er mogelege brot på lova, i den forstand at vedkommande ikkje er dømd for noko. Det kan nok likevel tenkjast tilfelle der òg mogelege brot kunne innebære at vandelskravet ikkje er oppfylt, dersom saka var alvorleg nok.

Politiet har ikkje oppgjeve kva for eit av straffeboda det mogelege brotet gjeld. Dermed kan det vere alt frå det i praksis ubetydelege andre alternativ i § 16 første ledd, om å «delta» i pyramideliknande

omsetningssystem, til noko som har eit noko meir alvorleg preg. Det er uansett viktig å ha i mente at det ikkje er i lotterilova ein finn dei mest alvorlege straffeboda.

Etter rådmannen sitt syn er det ikkje grunnlag for å sei at vandelskravet ikkje er oppfylt.



SAKSFRAMLEGG

Sakshandsamar: Ragnhild Lønningdal	Arkivkode: FA-L12
Arkivsaksnr: 18/1095	Løpenr: 20/8121
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Naturutvalet	17.11.2020	023/2020
Kommunestyret	03.12.2020	092/2020

Endeleg vedtak av detaljreguleringsplan for Eikedalen hyttegrend PlanID 1242201104

17.11.2020 Naturutvalet:

Handsaming i møtet:

Monica Tjønnå (Sp) bad om å få vera ugild i saka. Ho gjekk ifrå og vart samrøyses funnen ugild.

Maguns Erdal (Sp) møte under handsaminga av saka.

Tilråding frå rådmannen vart samrøystes vedteke.

NAT- 023/2020 Vedtak:

Med heimel i plan- og bygningslova § 12-12 vert detaljreguleringsplan for Eikedalen hyttegrend, planID 1242201104, endeleg vedteken. Planen består av følgjande lovpålagde plandokument:

- «1242201104 **Plankart** A0_ Rev. jf. vedtak 002-2018 i Naturutvalet -Rev 03.06.2020 og 30.09.2020»
- «201104 **Føresegner** 08-01-2018_Rev. jf. vedtak 002-2018 i Naturutvalet justert 15.08.18 og møte med Samnanger kommune_rev 03.06.2020 - 30.09.2020»
- «**Planomtale** Eikedalen hyttegrend Rev. jf. vedtak 002-2018 i Naturutvalet just 20.08.18 og jf brev frå FM i Vestland 28.01.2019_rev03.06.2020_30.09.2020»

Rådmannen sitt framlegg til vedtak:

Med heimel i plan- og bygningslova § 12-12 vert detaljreguleringsplan for Eikedalen hyttegrend, planID 1242201104, endeleg vedteken. Planen består av følgjande lovpålagde plandokument:

- «1242201104 **Plankart** A0_ Rev. jf. vedtak 002-2018 i Naturutvalet -Rev 03.06.2020 og 30.09.2020»

- «201104 **Føresegner** 08-01-2018_Rev. jf. vedtak 002-2018 i Naturutvalet justert 15.08.18 og møte med Samnanger kommune_rev 03.06.2020 - 30.09.2020»
- «**Planomtale** Eikedalen hyttegrend Rev. jf. vedtak 002-2018 i Naturutvalet just 20.08.18 og jf brev frå FM i Vestland 28.01.2019_rev03.06.2020_30.09.2020»

Dokument som er vedlagt:

1242201104 Plankart A0_ Rev. jf. vedtak 002-2018 i Naturutvalet -Rev 03.06.2020 og 30.09.2020
 201104 Føresegner 08-01-2018_Rev. jf. vedtak 002-2018 i Naturutvalet justert 15.08.18 og møte med Samnanger kommune_rev 03.06.2020 - 30.09.2020
 Planomtale Eikedalen hyttegrend Rev. jf. vedtak 002-2018 i Naturutvalet just 20.08.18 og jf brev frå FM i Vestland 28.01.2019_rev03.06.2020_30.09.2020
 NOTAT_Planframleggjar sine kommentarer til merknader ved offentleg ettersyn_Eikedalen Hyttegrend
 Bekreftelse på kjøp av eigendom i Eikedalen, Gnr 34 bnr 172
 Førebels uttale -Samnanger - gbnr 34 4 19 188 m fl - Eikedalen hyttegrend - detaljreguleringsplan
 NVE sitt svar på konkret førespurnad - Reguleringsplan Eikedalen hyttegrend - Vurdering av skredfarerapport - Samnanger kommune
 Fråsegn til revidert planmateriale - Samnanger - gbnr 34 / 4 19 188 mfl - Eikedalen hyttetun - detaljreguleringsplan - ref FMHO 11/15511
 201104 ROS-analyse - Eikedalen hyttegrend_rev 03.06.2020
 Eikedalen_Hyttegrend_skredfarevurdering_januar2020
 VA-Plan-Eikedalen-Hyttegrend-rev180320
 Tegn-H1-revA
 Tegn-H2-revA
 Tegn-H3-revA
 Tegn-H4-revA
 Tegn-H5-revA
 Vedlegg5_201104 Naturmangfald - Dag Holtan (160650)
 Vedlegg6_201104 Støyrapport Sweco (160653)
 Legndeprofil f_SGS2
 Legndeprofil SGS1
 Lengdeprofil SKV2
 Lengdeprofil SKV3
 Lengdeprofil SKV4
 Tverrprofil f_SGS2
 Tverrprofiler SKV2
 Tverrprofiler SKV3
 Tverrprofiler SKV4
 Kommentar til reguleringsplan Eikedalen hyttegrend
 Kommentar til reg plan Eikedalen hyttetun
 Merknad til detaljreguleringsplan for Eikedalen hyttegrend. Gjeld garasje.
 Kart garasje
 Kjøpekontrakt
 Skjøte
 Merknader til detaljreguleringsplan for Eikedalen hyttegrend
 Merknader til detaljreguleringsplan for Eikedalen hyttegrend
 Eikedalen hyttegrend PlanID 1242201104 kommentarer

Kva saka gjeld:

Geoplan har på vegne av Ålvik ferieheim utarbeidd framlegg til reguleringsplan for område F23 i kommuneplanen sin arealdel 2017-2027. Forslagstillar ønskjer å legge til rette for både konsentrerte og frittliggjande hytteområde. Området har 17 eksisterande fritidshytter, det blir skissert 46 nye

frittliggende hytter og rom for ca. 28-30 fritidseiningar i område for konsentrert fritidsbygg. Området ligg fint i høve til sol og utsikt. Området knyt seg til skiløype i kommuneplanen og ligg i lia ovanfor Eikedalsvatnet, nær Eikedalen skisenter. Planområdet er på ca. 153 daa. Mesteparten av området ligg som framtidig hytteområde med plankrav i kommuneplanen, medan 4,4 daa ligg som LNF-område i kommuneplanen. Av dei 4,4 daa er 2,5 daa regulert som delar av fem fritidsbustadtomter, medan resten er friluftsføremål. Dette ekstra arealet i høve til kommuneplanen har vore med som ein del av planområdet sidan planoppstart i 2011. I tillegg er det lagt til 95 daa som er regulert til LNF for å få med omsynssone i høve til snøskredfare. Tilsaman er planområdet på 248 daa.

Naturutvalet gjorde 6. september 2018 (sak 09/2018) vedtak om å leggja denne planen ut på høyring. Vinteren 2018/2019 vart planen sendt på høyring til offentlege instansar, men den vart ikkje sendt på høyring til grunneigarar og naboar, eller lagt ut til offentlig ettersyn på kommunen si nettside.

Fylkeskommunen hadde ingen vesentlege merknadar til planen, og NVE sendte ei heilt generell fråsegn. Fylkesmannen varsla at dei hadde vesentlege merknadar til planutkastet på høyring, og det vart halde eit møte mellom kommunen og fylkeskommunen i januar 2019. I etterkant av dette møtet sendte fylkesmannen over ein «*Førebels uttale*» til planen, denne er vedlagt. NVE vart av kommunen deretter beden om å koma med ein konkret uttale til skredfarerapporten. «*NVE sitt svar på konkret førespurnad*», dagsett 10.05.2019, er vedlagt. Geoplan, Ålvik ferieheim og Samnanger kommune har gjennom 2019 og 2020 jobba vidare med planmaterialet for å svara ut dei merknadane fylkesmannen og NVE hadde. Fylkesmannen har i «*Fråsegn til revidert planmateriale*», dagsett 02.07.2020, gjort det klart at deira og NVE sine merknadar er følgt opp på tilfredsstillande vis, og at dei såleis ikkje har motsegn til planen. Brevet er vedlagt.

Administrasjonen meiner at planen som no ligg føre er godt utgreidd, og at planmaterialet skildrar konsekvensane med planen på ein tilfredsstillande måte. Naturutvalet gjorde 23. juni 2020 vedtak om å senda planen på høyring til grunneigarar og naboar, og å leggja den ut til offentlig ettersyn.

Det har i høyringsperioden kome inn merknadar frå grunneigarane av fem eigedomar i og/eller omkring planområdet. Merknadane har vore oversende tiltakshavar/plankonsulent for tilsvar, og me har motteke kommentarar og framlegg til løysingar i etterkant av samtalar med dei. Planmaterialet er endra i dialog mellom plankonsulent og kommuneadministrasjonen.

Det ligg no føre intensjonsavtale mellom Ålvik ferieheim og grunneigarane av GBNR 34/172 om kjøp av eigedom og hytte, slik at tvisten om areal til tilkomstvegen f_SKV2 er løyst. Sjå vedlagt e-post «*Bekreftelse på kjøp av eigedom i Eikedalen, Gnr 34 bnr 172*». Det vert såleis ikkje tale om oreigning for å gjennomføra planen.

Planomtalen gjev ei skildring av planområdet og influensområdet, og om konsekvensane av framlegget til detaljreguleringsplan. Plankartet og føresegnene er juridisk bindande dokument, som set føringar for utbygginga.

Føreliggjande saksframlegg handsamar dei innkomne merknadane, og kjem med framlegg til endringar. Dei vedlagde plandokumenta har gul markering på endringar som er føreslegne. Det er no klart for at kommunestyret kan gjera endeleg vedtak av planen.

Vurderingar og konsekvensar:

Handsaming av innkomne merknadar:

Roy Ove Eikedal, eigar av GBNR 34/7: Syner til pkt. 9.7 i planskildringa som skildrar «Friluftaktivitet, naturområde, barn og unges interesser i nærmiljøet». På kartet tilhøyrande dette punktet er ein teig av eigedomen hans synt som «grøntområde», og dette ynskjer han ikkje skal vera med i arealrekneskapen for høntområde for hyttefeltet.

SVAR: Kartet i fig 9.7.1 er ein illustrasjon som syner kor stor del av planområdet som er lagt ut til fritidsbustadtomter, og «restareala» er definert som «grøntområde». Det er ikkje stilt opp nokon

arealrekneskap i samband med dette kartet, og det har ingen konsekvens for eit areal, verken positiv eller negativ, å vera med i ein slik illustrasjon. Forslagsstillar har føreslege å ta GBNR 34/7 sitt areal ut av illustrasjonen i planomtalen, og administrasjonen støttar dette. Illustrasjonen under punkt 9.7 i vedlagt planomtale er endra i tråd med innspelet.

Thorbjørn Tveit Helgesen, eigar av GBNR 34/18, 23 og 92: Innspelet gjeld ein garasje som står heilt kloss i fylkesvegen. Innsendar ser at garasjen må flyttast grunna gang- og sykkelveg og vass- og kloakkleidningar, og har framlegg om at den vert flytta 30 meter retning Bergen, på motsett side av fylkesvegen.

SVAR: Garasjen er i Matrikkelen registrert på GBNR. 34/4 (Ålvik ferieheim), men i følgje innsendt skøyte høyrer den til GBNR. 34/18, 23 og 92, som er ein fritidseigedom 50 meter ovanfor fylkesvegen. I plankartet er bygningen regulert med kryss over, d.v.s. at den er føresett riven ved plangjennomføringa (bygging av gang- og sykkelveg). I figuren under er plankartet for reguleringsplanen synt saman med plankartet for kommunedelplan for rassikring av Tokagelet, som det er vedteke skal få tunnellinislag i Eikedalen (i Kvam herad). Noko av dagens fylkesveg får ny og utretta trasé, og denne nye traseen er illustrert som ei tjukk svart pil i kartet.



Figur 1. Garasjen knytt til GBNR 34/18, 23, 92 ligg heilt i vegkanten av dagens fv 49, og reguleringsplanen føreset riving for å etablere gang- og sykkelveg. Ny trasé for fv 49 skal regulerast der den svarte dobbelpila er trekt.

Me kan ikkje seia noko om eventuell riving av denne garasjen før det ligg føre reguleringsplan for ny fylkesvegtrasé, fordi det ikkje vil bli bygd gang- og sykkelveg før ein veit utfallet av reguleringsplan for ny tunnel og fylkesvegtrasé.

Kommunen har per i dag ingen eigedomar i Eikedalen, og kan såleis uansett ikkje tilby flytting. Kommunen har ikkje innløysingsplikt for eigedomar fordi den er bebygd, jf. pbl § 15-2 første ledd. Noverande bruk kan då halda fram, og kommunen har ti års frist for å gå i gang med eventuell oreigning eller forhandlingar om kjøp.


Dersom prosjektet med bygging av offentlig vatn- og avløp, som Samnanger kommune og Kvam herad samarbeidar om, vert gjennomført etter noverande tidsplan, vert garasjen truleg handtert gjennom direkte forhandlingar om VA-traseen. VA-traseen skal følgja gang- og sykkelvegen.

Ole og Britt Totland, eigarar av GBNR 34/91 og 170: Innspelet er delt i 4 punkt:

1. Brønnen til bustadhuset på gbnr. 34/170 vert direkte råka av områda BFF 14 og 16, som ligg like ovanfor bustadhuset. Gbnr. 34/170 har tinglyst rett til brønn på gbnr. 34/4, som er «hovudbruket» innanfor reguleringsplanområdet. Gbnr. 34/91 har både driftsbygning og våningshus med brønnar som vil bli råka av reguleringsplanen.
 - a. **SVAR:** Gbnr. 34/91 har i følgje grunnboka vassrett, men 34/170 har ikkje dette. Forslagsstillar er likevel innstilt på å finna ei løysing. Høgst truleg løyser dette seg ved at dei to bustadhusa får krav om å kopla seg på offentlig vatn og avløp når dette vert etablert nedanfor, ved fv 49. Hytteområda BFF 14 og 16 er eit seint utbyggingstrinn i reguleringsplanen, og det kommunale VA-nettet kjem etter gjeldande tidsplan på plass i god tid før desse utbyggingstrinna vert aktuelle. Dersom så ikkje er tilfelle, vil hyttefeltet eventuelt kunna etablere påkopling til offentlig vatn, frå felleisleidning og ned til desse bustadane.
2. Gbnr. 34/91 har beiterett på gbnr. 34/4 i utbyggingsområdet. Tilkomsten til beite ved ei slik utbygging vil bli avskoren.

a. **SVAR:** Tiltakshavar har gjeve følgjande utklipp frå tekst i avtale med grunneigar: *«Den eiendommen som selger beholder skal ha beiterett i utmark og fjellstrekning for de beist eiendommen vinterfør, unntatt geiter og rett til å ha den nåværende flor stående i utmarken. ... Dessuten skal eiendommen ha rett til å hugge ved til husbruk på bnr. 4 etter utvisning av gårdenseier». «Undertegnede Ole Totland eier av bnr. 91 frafaller herved ovennevnte rettigheter slik at de kan slettes på bnr. 4, bortsett fra at beiteretten som nevnt i ovennevnte kjøpekontrakt beholdes».*

Ut i frå opplysningar om bruket på NIBIO sitt Gardskart.no har tiltakshavar rekna ut at bruket kan gje før til ca 12 vinterfôra sau. Me legg til grunn at sommarbeite fortrinnsvis er i alpin sone, ovanfor lia med hyttefelt ned mot fylkesvegen. I framlegget til reguleringsplan kan beitedyr førast frå tilgrensande LNF-område, gjennom hyttefeltet på dei interne vegane og stiane, og tilkomsten opp/ned til bruket kan skje på eksisterande sti. Dette er illustrert med følgjande figur, der ein kan gå langs eksisterande sti for å koma opp til dei interne vegane:



3. «Vegane som er teikna inn ovanfor gbnr. 34/91 og 170 går i ei bratt li på over 30 grader, noko som vil medføre høge skjemmande skjeringar i terrenget. I tillegg vil bekkar bli avskorne og finna seg nye vegar ned til husa på eigedomen vår. Det vil bli kravt erstatning for skade til utbyggar/tiltakshavar.»
 - b. **SVAR:** Reguleringsprosessen har vore grundig, og det har blitt gjort vurderingar

av mellom anna naturfarar og landskap. Planen har blitt til gjennom ein lang dialog med fylkesmannen, som mellom anna har hatt eit sterkt fokus på vegar i landskapet. Føreliggjande planframlegg har ikkje fått motsegn frå fylkesmannen. I føresegnene pkt. 2.6 Terrenghandsaming heiter det som følgjer:

«Terrenghandsaming, planting og tilsåing skal gjerast ferdig samstundes med vegar og fritidsbustadar. Alle skjeringar i høve utbygging av infrastruktur og hytter må reinskast og sikrast. Vurderinga må utførast av sakkunnig og dokumenterast før det kan gjevast bruksløyve/ferdigattest.» Vidare har føresegn 3.5 følgjande krav til nye inngrep: *«Alle inngrep som vert gjort i samband med utbygging skal utførast mest mogleg forsiktig og med omsyn til terreng og vegetasjon. Bygningar, anlegg og terrengforming skal tilpassast landskapet. I områder utanom der det er omsøkte tiltak skal kulturlandskap og vegetasjon ivaretakast.»*

- c. Bekkar er handtert med bufferareal og faresoner. Der vegar skal kryssa bekkar skal det utførast på sikker måte, jf. føresegn 5.3.2: *«(...) Kulvertar og/eller bruer må prosjekterast med tilstrekkeleg kapasitet der vegtrase kryssar bekkeløpa. Slike kryssingar skal ha ei utforming som ikkje er til hinder eller endrar retning på skredmassar. Vurdering og panlegging skal utførast av sakkunnig.»*

- 4. *«Med så mange hytter like ovanfor vår bustad vil det bli mykje ferdsel over eigedomen vår. Dette er litt merkeleg sidan kommunen tidlegare har sagt at hytter og bustadar ikkje skal blandast. Det vil det i høgste grad gjere her. Eikedalen er ei lita grend og ved å legge til rette for eit hyttefelt av ein slik storleik vil det bli fleire hytter en fastbuande. Hytteeigarar og fastbuande har svært ulike interesser i forhold til bruk og ferdsel, noko som vil skape store interessekonfliktar. Området frå hyttefeltet og ned til vår eigedom er bratt, men vil være et yndet sted for vinteraktiviteter, eller som raskaste veg til vatnet og hovudvegen. Dette vil medføre stor trafikk over vår eigedom og skape store utfordringar. Hyttefeltet vil i tillegg forringe vår eigedom og gjere det vanskelig å selje til nokon som ynskjer å busette seg i Eikedalen. Vi er sterkt i mot at vi får eit stort hyttefelt rett ovanfor vår eigedom. Aust for bnr. 19 og innover til Eikedalen skisenter er det mange hytter, og desse kjem ikkje i konflikt med dei fastbuande i Eikedalen. Vi ber derfor at kommunen sterkt vurderer å godta eit hyttefelt i dette området.»*

- d. **SVAR:** Dette området har lege inne i kommuneplanens arealdel som område for fritidsbustad med reguleringsplankrav frå 2007. Det er såleis avklara på kommuneplannivå at dette er eit område som kommunen meiner høver for hyttebygging. Regulering av området vart starta i 2011, og arealet vart vidareført i kommuneplanens arealdel av 2017. Reguleringsprosessen har vore grundig, og det har blitt gjort nærare utgreiingar av ei rekkje problemstillingar. Hyttefeltet får eigne vegar og turvegar som fører ut i nærliggjande turterreng og mot skisenteret. Strandlina langs Eikedalsvatnet er relativt tett bebygd i dette området, og me kan ikkje sjå at dei store massane av folk frå hyttefeltet skal leggja turen ned til vatnet akkurat her. Om sommaren er det ikkje lov å gå på dyrka mark, og dette er ei godt kjend avgrensing av allemannsretten.
- e. Forslagsstillar sin plankonsulent kommenterer følgjande: *«Framleggsstillar har justert noko på plankartet, slik at gnr. 34 bnr. 89 som har tilkomstrett, kan gå frå Totland sin eigedom og opp til hytta si som før. Utan om denne stien som endar i f_GT9, er tilkomst/ vegnett til hyttene totalt separert frå Totland sin eigedom. Det er og lagt inn ei buffersone mellom dei næraste tomtene og Totland sin eigedom. Når det er tilrettelagd med veg og turveg, vil dei aller fleste nytta desse til framkomst. Vi meiner det ikkje vil vera naturleg å ta snarvegen (stien) over Totland sin eigedom.»*

Reidun og Vidar Grindheim, eigarar av GBNR. 34/19 og 192: Grunneigarane kjem med ei rekkje innspel til føresegnene, med framlegg til eigne føresegner som dei ynskjer skal gjelda for GBNR. 34/19 og 192. Det vart halde møte mellom forslagsstillar og grunneigar i etterkant av innspelet, for å

avklara ei rekkje problemstillingar frå innspelet. Følgjande utklipp (alle markerte med blå innramming nedanfor) frå forslagsstillar sitt notat forklarar problemstillingar og framlegg til løysingar etter møtet:

3. Merknader til detaljreguleringsplan for Eikedalen hyttegrend 9 september 2020 ved Reidun K og Vidar Grindheim, gnr. 34 bnr. 19 og 192

Grindheim sitt innspel pkt. 3.4;

.... Overvatn går til terreng og handterast lokalt, og endrenaturleg eksisterande bekkefar eller medføre skade på grunneigedom eller annan eigedom innanfor eller utanfor planområde.

Kommentar framleggsstillar:

Forstår ikkje kva som er målet med å endre på denne teksten. Vi ønskjer i så stor grad som mogleg å ta i vare naturlege bekkefar. Vi må få dette fram i morgon. Framlegg til endra føresegn er som følgjer:

3.4 ENØK. OG TEKNISK ANLEGG, Pbl. 12-7 nr. 4

Ved prosjektering av bygg skal ENØK-tiltak vurderast.

Alle fritidsbustadar skal kopløst til vatn- og avlaupsnett. Det skal liggje føre godkjend VA-løysing etter drikkevassforskrifta og forureiningslova samt PBL. Overvatn går til terreng og handterast lokalt. **Overvasshandtering skal ikkje endre naturleg eksisterande bekkefar, medføre skade på grunneigedom eller annan eigedom.**

SVAR: Administrasjonen er einig, og presiseringa med gult er teke inn i vedlagde føresegnar. (Notatet er skrive før møtet, og redigert etterpå, men for akkurat dette punktet har tiltakshavar gløymd å redigera teksten om møtet.)

Grindheim sitt innspel pkt. 3.5

....Alle inngrep og vegetasjon. Kulturlandskap skal vernast utanom trasear og bygningar. Dette gjeld eksisterande skog og mark, bekkefar og terrengform. Skjeringar i fjell høgare enn 1 m skal stellast til med naturstein og jordfylling. Bygningar ...

Kommentar framleggsstillar:

Vi kan skyte inn ein setning om urørt areal, det var vanleg i eldre reguleringsplanar. Framlegg til endra føresegn er som følgjer:

3.5 INNGREP, Pbl. 12-7 nr. 4

Alle inngrep som vert gjort i samband med utbygging skal utførast mest mogleg forsiktig og med omsyn til terreng og vegetasjon. Bygningar, anlegg og terrengforming skal tilpassast landskapet. **I områder utanom der det er omsøkte tiltak skal kulturlandskap og vegetasjon ivaretakast.**

SVAR: Administrasjonen meiner dette ikkje medfører nokon ulemper, verken for utbyggjar eller andre, og støttar at det kan takast inn i føresegnene pkt. 3.5.

Grindheim sitt innspel pkt. 3.6

.... sikre opne vassvegar og skog innafør hytteområda. Skog og kulturlandskap i område ovanfor og nedafor desse som tilhøyrrer grunneigar, vert skjøtt av denne. Velforening/hytteieigar har ansvar for tette bekke- eller elveløp nedanfor planområde, dersom dette kan tilskrivast aktivitet i planområdet.

Vi kan ikkje regulerer omsyn utanfor planområdet, jf. reglar for reguleringsplanlegging. Dette kan i tilfelle avtalast ved sal. Framlegg til endra føresegn er som følgjer:

3.6 SKJØDSEL, Pbl. 12-7 nr. 4

Ved sal av nye fritidseigedomar skal det vere krav til etablering av velforening i planområdet som skal ivareta skjøtsel av vegar, sikre opne vassvegar og skog. **LNRF området over byggjeområda (L1) er ikkje inkludert i området der velforening har ansvar. I friluftsområdet på gnr. 34, bnr 19 og 192 (LF1) skal grunneigar ha ansvar for skjøtsel.**

SVAR: Dette er greie presiseringar som administrasjonen støttar. Teksten i føresegnspunkt 3.6 er endra.

Grindheim sitt innspel pkt. 4.1.2

..... Kvar fritidsbustad kan delast i fleire bygningskroppar, med unntak for områda 34/19 og 192.

Møneretning skal. Gesimshøgde

For 34/19 og 192 gjeld maks mønehøgde 7.5 m, for hytte i terreng brattare enn 1:4 og møneretning på tvers av terreng (gavl på nedside). Elles gjeld maks mønehøgde 6 meter og gesims 3 meter.

Kjeller

For 34/19 og 192, er det ikkje tillate med kjellar. Dette gjeld og uthus. Alternativt kan uthus nyttast til parkering. Maks areal uthus er 15 kvm.

Kommentar framleggsstilar:

I møtet vart det diskutert konsekvens av føresegn. Det kom fram at det er faren for etablering av fleire hytteeiningar på tomte som grunneigaren ønskjer hindre. Vi vart samde om å innføre lågare mønehøgde og gesimshøgde for Grindheim sine tomter. Men alle tomtene er brattare en ¼, så det vil såleis ikkje utgjera noko forskjell. Vi har såleis følgjande framlegg til endring på føresegn:

4.1.2 Fritidsbustadar frittliggande (SOSI-kode 1121), Pbl. § 12-7 nr.5

Innanfor byggeområda kan det først opp frittliggande fritidsbustadar. Kvar fritidsbustad kan delast i fleire bygningskroppar. **Fritidsbustad er å sjå på som ei eining.** Møneretning skal i hovudsak fylgje terreng. Form på bygga bør tilpassast eksisterande terreng og omgjevnader. Det skal takast omsyn til plassering av eventuelle eksisterande bygningar på naboeigedom.

Der terrenget er brattare enn 1:6, skal løysing med underetasje og terrengmur nyttast framfor store inngrep og endringar i terrenget. Gavlvegg skal ikkje vere breiare enn 7 meter for bygg plassert brattare enn 1:6.

På tomtene 4, 10 - 13, 30 - 31, 34 - 35 og 39 - 42 er det ikkje tillate med kjellar.

SVAR: Dette er eigentleg ei overflødig presisering, men den er heller ikkje til skade for nokon interesser. Dersom merknadsgjevar føler seg tryggare på at det ikkje kjem fleire fritidsbustader på same tomt, er dette ei heilt grei presisering. Føresegnspunkt 4.1.2 er endra i vedlagt dokument.

Grindheim sitt innspel pkt. 4.3.1

Breidd på maksimum 1 m innanfor 34/19 og 34/192

Kommentar framleggsstilar:

I plankartet har dei forskjellige turvegane forskjellig breidde. Vi stryk difor setninga «Breidd på maksimum 3 meter.» Vi målsett breidda på turveg i reguleringskartet i staden for.

- F_GT5 er regulert med 3,5 meter breidde (etablert gardsveg, med vegrettar)
- f_GT8 var regulert med 1,5 meter breidde.
- f_GT9 er stort sett ikkje inne på Grindheim sin eigedom. Denne turvegen ønsker vi behalde slik den ligg i med maks breidde 2,5 meter. Viser til framlegg til endra reguleringskart under.

4.3.1 Turveg (SOSI-kode 3031), § 12-7 nr. 1

Det er høve til å opparbeide enkle gangstiar/turvegar i planområdet. Turvegen kan opparbeidast som vist i plankart.

Breidd på maksimum 3 meter.

Turvegrase kan nyttast som anleggsveg i byggefasen og skal tilbakeførast til turveg når utbygging er avslutta. Etter ferdigattest på hyttene som soknar til vegen kan ikkje turvegen nyttast til køyreveg for bil.




Fig. 3.1: Framlegg til endra plankart f_GT8 og f_GT5

SVAR: Dette er greie presiseringar som administrasjonen støttar. Plankartet har fått påskrifter med regulert breidde på turvegane.

Grindheim sitt innspel pkt. 4.4.1

...innafor arealet. Det er ikkje høve å endre på terreng, bekkefar, plante eller hogge skog, hente eller tilføre massar eller anna materiale, opprette vegar eller stiar eller andre anlegg, større eller mindre, og aktivitetar, utan etter avtale med grunneigar av 34/19 34/192.

Kommentar framleggsstillar:

Ikkje ein gong grunneigar får høve til mykje, utan at det gagnar gardstilknytt næringsverksemd. Denne setninga er unødvendig, men kan stå i privatrettsleg kontrakt med tomtekjøparar. I føresegn står det som følgjer:

4.4.1 LNRF (SOSI-kode 5100), § 12-7 nr. 1

Område skal nyttast til areal for nødvendige tiltak for gardstilknytt næringsverksemd basert på gardens ressursgrunnlag. Utmarka skal vere tilgjengeleg for alle. Det er høve til å etablere flaum-, ras- og skredsikringstiltak innafor arealet.

SVAR: Administrasjonen er einig med at dette ikkje høyrer heime i føresegnene, men at grunneigar eventuelt får utforma privatrettslege tomtekjøpsavtalar med slikt innhald.

Grindheim sitt innspel pkt. 4.1.3

..... Form på bygga skal tilpassast terreng

Kommentar framleggsstillar:

Vi har gjort Grindheim merksam på at dette ikkje gjeld tomter på hans areal. Dette vert ikkje endra frå framleggsstillar si side.

SVAR: Administrasjonen meiner at føresegna skal ha si opphavlege form:

«4.1.3 Fritidsbustad konsentrert (SOSI-kode 1122), Pbl. § 12-7 nr.5

Innanfor byggeområda kan det førast opp konsentrert fritidsbustadar. Møneretning skal i hovudsak fylgje terreng. Form på bygga bør tilpassast eksisterande terreng og omgjevnader. Det skal takast omsyn til plassering av eventuelle eksisterande bygningar på naboeigedom.»

Grindheim sitt innspel pkt. 4.4.2

... vatn, kloakk og tekniske installasjonar. Stiar utanom dette vert å opparbeida som plan, maks 1 m breidde.

Kommentar framleggsstillar:

Vi har skrive om føresegna som følgjer:

4.4.2 Friluftsmål (SOSI-kode 5130), § 12-7 nr. 1

Område skal nyttast til friluftsmål. Området skal vere tilgjengeleg for alle. Området er felles for alle i planområdet og ålmenta.

Det er høve til å etablere flaum-, ras- og skredsikringstiltak innafor arealet.

Infrastruktur for vatn, kloakk og anna kan gå gjennom områda. Det kan opparbeidast stiar med breidd inntil 1,0 m.

I arbeid med skjøtsel av områda skal det leggjast vekt på å ta vare på karakteristiske tre og mangfaldet i vegetasjonen.

SVAR: Administrasjonen støttar denne presiseringa. Endring er gjort i vedlagde føresegner pkt. 4.4.2.

Grindheim sitt innspel pkt. 5.3.1

... snøskredløp. Skog på alle friområde og område utanfor tomteområde, som friområde og nærområde over og nedanfor hyttefelt, tilhøyrer grunneigar som har einerett til og vert skjøtt av denne.

Kommentar framleggsstillar:

Det er ikkje regulert friområdet men friluftsområde. Ønska kontroll på hogst på Grindheims sine områder, kan takast inn i ein privatrettsleg avtale. Vi endrar ikkje føresegna.

SVAR: Dette er eit privatrettsleg spørsmål som grunneigar kan handtera med privatrettslege tomtekjøpsavtalar ved behov.

Grindheim sitt innspel - Andre merknader:

Innmålte merkesteinar langs grense til 34/192, skal liggja i ro der dei er. Andre store steinar som inngår i grenseline, skal ikkje flyttast utan i samråd med grunneigar og at ny innmåling er gjort med merke i fjell. Utbyggjar dekkar kostnad.

Gama! gardsveg over 34/19 og 34/192 er ikkje open for anna enn innbyggjarar i Eikedal etter gamal rett. All ferdsel til riksveg frå hyttefelt skal skje på hyttefeltet sine interne vegar eller stiar. Innmark og utmark 34/19 og 34/192 er privat eigedom.

Det er ikkje tillate med jakt-fangst og fiske på gbnr.:eigedom 34/19-og 192, for, andre enn grunneigar.

Jakt og fiske i Eikedal område, krev avtale med grunneigarar i Eikedal.

Kommentar framleggsstillar:

Det er fri ferdsel i utmark i Noreg. Ønska kontroll på jakt, fangst og fiske på Grindheimsine områder, kan takast inn i ein privatrettsleg avtale om grunneigar er redd for at dette kan verta behov for, ved sal av hyttetomter. Vi endrar ikkje føresejna.

SVAR: Administrasjonen er einig i forslagsstillar sin kommentar. Det er ikkje gjort endringar i vedlagt planmateriale på bakgrunn av desse merknadane.

Trond Jørgensen, grunneigar av GBNR. 34/89:

6. sep. 2020 - Med referanse til Planomtale mottatt for Eikedalen Hyttegrend (PlanID 1242201104) har jeg følgende kommentarer/anmerkninger:

1) Ref. Planomtale 5.1: Hvorfor er jeg som eier av 34/89 utelatt fra postlisten for melding om oppstart datert 26.06. 2016? Dette har fratatt oss mulighet til innspill/merknader og kommentarer, noe som ikke kan være korrekt (ref. pbl. §12-8).

Kommentar framleggsstillar:

Er usikker på dette, men dei er i alle fall varsla no.

SVAR: Grunneigar fekk følgjande svar frå administrasjonen 08.09.20: «Me syner til e-post med førespurnad om dokument, og med spørsmål om varslingslista til det fornya oppstartsvarselet i 2016. Kvifor dykkar gbnr. ikkje er med på lista til det fornya oppstrtsvarselet frå 2016 er vanskeleg for meg å svara på, då det på det tidspunktet var ein annan sakshandsamar som hadde saka. Moglege forklaringar er at det har skjedd ein glipp ved uthenting av gards- og bruksnummer frå kartet, eller at det har skjedd ein glipp ved inntasting av namn i lista som vart sendt til konsulent. Det fornya oppstartsvarselet var ikkje påkravd etter plan- og bygningslova, det var ei ekstra orientering som sakshandsamar bestilte frå tiltakshavar, fordi det var gått lang tid sidan det formelle og påkravde oppstartsvarselet vart sendt. Det fornya oppstartsvarselet hadde ingen plandokument, berre ei kartavgrensing av planområdet, slik også det første oppstarsvarselet hadde. Det er først no ved det offentlege ettersynet at planen har plandokument til høyring. Det er ved offentlig ettersyn at flest partar og interessentar uttaler seg.»

2) Båndlegging av tomt (34/89) som indikert i plankartet kan ikke aksepteres. Tomten har vært i sin nåværende form siden før 1961. Båndlegging har ikke vært tema i hverken søknadsprosess ifm tilbygg, eller ifm overføring til nåværende eier.

3) Omregulering av deler av tomt (34/89) til friluftsareal kan ikke aksepteres. Tomten har vært i sin nåværende form siden før 1961. Omregulering har ikke vært tema i hverken søknadsprosess ifm tilbygg, eller ifm overføring til nåværende eier. Denne må flyttes slik at arealet følger tomtegrensen. Eventuelle kostnader må bæres av utbygger.

Kommentar framleggsstillar:

Grunnlaget for grøntområdet er at den vesle bekken/vassiget i tidlegare vurderingar vart rekna som flaumfarleg og fekk omsynssone for flaum. Dette vart teke bort etter siste oppdaterte vurderingar. Det grøne området ligg igjen. Vi tilrår likevel å ha byggegrense mot søkket i terreng/vassiget/bekk også inne på denne tomta. Vi rettar dette opp som i skisse under.




Fig. 2.1: Utsnitt av endra framlegg til regulering

SVAR: Det er viktig å ha spesifikke byggjegranser mot bekkar, elvar og vassdrag i reguleringsplanar, elles så gjeld den generelle byggjegransa på 20 meter i kommuneplanens arealdel, eventuelt med 5 meter for område som er etablerte byggjeområde. Her er det gjort ei konkret vurdering i temarapport, og det er sett ei trygg grense. Ved første augekast kan det sjå ut som at ein trekant av tomten er overført til tomten mot aust, men dette er ikkje tilfelle. Eigedomsgrensene skal bestå, då det ikkje er brukt følgjande kartelement:

— — — — — Eigedomsgrense som skal opphevast

- 4) All nødvendig flomsikring/overvannsikring av bekken som krysser 34/89 må bæres av utbygger i forbindelse med veikryssningene ovenfor tomt 34/89. Alle kostnader må bæres av utbygger.

Kommentar framleggsstillar:

VA-rammeplan og føresegnene til reguleringsplanen skal sikre at flaumsikring og overvass-sikring vert bygd ut på ein sikker måte. Under er føresegner som omhandlar dette temaet klypt inn:

«2.3 TEKNISK INFRASTRUKTUR Pbl. § 12-7, nr. 10.

Nye fritidsbustader får ikkje midlertidig bruksløyve/ferdigattest før dei er knytt til godkjent felles anlegg for teknisk infrastruktur. Jf. Vegplan m/profilar og VA-rammeplan.

2.5 TEKNISK PLAN, Pbl. § 12-7, nr. 10.

Plan for tiltak i tilknytning til graving, boring, sprenging og betongarbeid for å hindre forureining til vassdraget skal dokumenterast før det vert gjeve igangsetjingsløyve for tiltak på ny veg og nye fritidsbustader.

Før løyve til tiltak på ny veg og nye fritidsbustader kan godkjennast, skal det føreliggja teknisk plan for heile planområdet. Før det kan gjevast bruksløyve/ferdigattest til ny veg og nye fritidsbustader skal det (dokumenterast som ein del av FDV) leverast trykktesting og rapport frå rørinspeksjon som dokumenterer at anlegg for spillvass-leidningar er tett.

2.8 BEKKAR § 12-7, nr. 10.

Nye fritidsbustader får ikkje midlertidig bruksløyve/ferdigattest før gamle vassrør frå Setratjørna like sør for Huldabottsfjellet, gamle brukonstruksjonar og eksisterande oppsamling av lausmassar i bekkeløp er fjerna/reinska. Viser til VA-rammeplan.

3.4 ENØK. OG TEKNISK ANLEGG, Pbl. 12-7 nr. 4

Ved prosjektering av bygg skal ENØK-tiltak vurderast.

Alle fritidsbustadar skal koplart til vatn- og avlaupsnett. Det skal liggje føre godkjend VA-løysing etter drikkevassforskrifta og forureiningslova samt PBL. Overvatn går til terreng og handterast lokalt.

Veganlegg skal byggjast ut i tråd med reguleringsplan. Det skal prosjekterast kulvertar og/eller bruer med tilstrekkeleg kapasitet der bekkeløpa kryssar vegtrase. Slike kryssingar skal ha ei utforming som ikkje er til hinder eller endrar retning på skredmassar. Plan for tiltak i tilknytning til graving, boring, sprenging og betongarbeid for å hindre forureining til vassdraget skal dokumenterast. Viser til krav og rammer i VA-rammeplan tilknytt reguleringsplan utarbeida av Byggadministrasjon Harald Bjørndal AS, 25.09.2018 revidert 27.11.2019 og 18.03.2020.

Straum, fiber og kablar skal leggast i jord og i størst mogleg grad samordnast med andre tekniske anlegg.

3.6 SKJØDSEL, Pbl. 12-7 nr. 4

Ved sal av nye fritidseigedomar skal det vere krav til etablering av velforeining i planområdet som skal ivareta skjøtsel av vegar, sikre opne vassvegar og skog.

SVAR: Administrasjonen meiner tilhøva rundt bekkesikring er tilstrekkeleg belyst gjennom

planarbeidet, slik framleggsstillar har klypt inn over, og at sikringa skal utførast og kostast av utbyggjar.

5) Det har ikke vært tilsendt 20 snittkart som viser veitraseene ovenfor tomten. Dette er heller ikke tilgjengelig via plan-databasen som er tilgjengelig via kommunens nettportal. Det er i reguleringsplanen ikke beskrevet hvordan man skal sikre at snøbrøyting på skjæringen ikke skal rase ned på tomtene nedenfor veiskjæringene. Kostnader for sikringstiltak må bæres av utbygger.

Med referanse til terreng er dette trolig spesielt aktuelt for 34/89 og tomtene 18 og 21

Kommentar framleggsstillar:

Desse skal vera ettersendt av kommunen. Ved detaljplanlegging av veg før utbygging må ein vurdere sikringstiltak. Når ein brøyter er det naudsynt å nytte utstyr som gjer det mogleg å velje kvar ein vil leggje frå seg snøen. Snøen må leggst på trygge stader internt i området.

SVAR: Snittkarta vart ettersendt den 08.09.20. Grunneigar sendte deretter inn følgjande ny merknad:

10. sep. 2020 - Med referanse til pt.5:

Ut fra det mottatte 2D-snippet får vi en ca. 6 meter høy fylling rett ovenfor tomtegrensen (ref.pt 700) Jeg kan ikke se at det i reguleringsplanen er lagt inn krav til hverken beplantning eller veisikring. Denne fyllingen ligger i en sving og jeg forutsetter at både veisikring/gjerde og beplantning nedenfor fyllingen (ras-sikring/skjerm) pålegges utbygger.

Kommentar framleggsstillar:

Det vert ikkje fylling men mur under svingen over denne eigedomen. Det er høve å plante noko som veks oppetter muren eller framom muren (tre). Viser til informasjon om føresegn 2.6 TERRENGHANDSAMING og vegprofilar for SKV2 over.

SVAR: Sikring av muren kviler fullt og heilt på utbyggjar, og det vil måtta brukast høveleg brøyteutstyr.

6) I reguleringsplanens plankart tar utforming av tomtene ikke hensyn til vår tinglyste adkomstrett via hovedbruket (34/4). Tilkomst går gjennom tomt 16 og har vært i bruk siden 1979. Tilkomsten ligger etter avtale fra 1979 i utkant av tidligere innmark/slåttemark, og terrengets utforming gjør at det ikke er mulig å flytte denne stien fra tomt 16 til det planlagte friområdet. Tilkomst til 34/89 må opprettholdes av utbygger for utbyggers regning, feks gjennom tinglyst endring til bruksrett (kjøring/parkering) av planområdets veinett.

Kommentar framleggsstillar:

Me har retta dette opp i plankartet. Tomt 16 er redusert. Sjå sti på flyfoto og raud line illustrert i plankart under.




Fig. 2.2: Flyfoto av sti til hytte Kjelde: norgebilder.no




Fig. 2.3: Utsnitt av planframlegg etter framlegg til justering av tomt 16. Raudline viser tilkomststi.

SVAR: Administrasjonen er enig i endringane, og dette er innarbeidd i vedlagde plankart.

10. sep. 2020 - Med referanse til pt.6/7:

I og med at reguleringsplanen gir tilgang til å bruke de planlagte turstiene som anleggsvei i byggefasen finner jeg det rart at disse veiene ikke etter ferdigstillelse kan brukes som tilkomstvei til tomtene langs dem ("gang/sykelsti-kjøring til eiendommene tillatt"). Spesielt gjelder dette GT9 som vil gi tilgang til ca 10 tomtar. GT9 stopper for øvrig i "ingenting", så vil siste brukere av denne stien være tomt 19 og 20.

Kommentar framleggsstillar:

Fylkesmannen er klart i mot at det skal kome køyreveggar inn i terrenget til alle hyttene. Vi har endra sommarveggar til turveggar og etablert tilstrekkeleg med parkering i tilknytning til desse i reguleringsplanen i løpet av den prosessen som planarbeidet har våre i gjennom. Det vil vere mogleg å kjøpe seg parkering og bruksrett til f_GT9 ved å inngå privatrettsleg avtale med veg- og parkeringsplass-eigar.

SVAR: Administrasjonen er enig med fylkesmannen i at det ikkje skal vera køyreveg fram til alle hytter. Me endrar ikkje plankartet på dette punktet no.

7) Reguleringsplanen tar ikke hensyn til vår tinglyste rett til vann fra hovedbruket (34/4). I og med at det reguleres helårsvei som krysser vannforsyningen to steder må man regne med at vannet i bekken ikke lenger holder samme kvalitet som i dag. Den tinglyste retten til vann fra hovedbruket til 34/89 må derfor opprettholdes av utbygger for utbyggers regning.

Kommentar framleggsstillar:

Vatn og avlaup vil leggjast fram til området innan kort tid. Det kjem krav til tilkopling på dette anlegget.

SVAR: Fritidsbustader er unnateke plan- og bygningslova sitt krav om påkopling til offentlig VA-nett (jf. §§ 27-1, 27-2, og 30-6), med mindre noko anna er bestemt i ein plan. I føreliggjande planframlegg går det fram av føresegnspunkt 3.4 at alle fritidsbustader skal koplast til.

8) På et generelt grunnlag kan jeg ikke se at reguleringsplanen tar hensyn til tomter som allerede er bebygget og ligger inne i planområdet. Dette gjelder spesielt tilkomst, veirett og via kommunens tilknytningspunkter for mangler vann/avløp (i planens som det dokumentbase som er gjort tilgjengelig via kommunens nettside mangler VA-kartet som det henvises til i som VA-plan dokumentet).

Kommentar framleggsstillar:

VA-kart skal vera ettersendt av kommunen. Å integrere eksisterande tomter og feste har våre arbeid mykje med i reguleringsarbeidet. Dei fleste tomter/feste har etter planen er vedteken moglegheit for å kjøpe tilleggsareal til tomta. Nokre eksisterande tomter har fått grønt og eller omsynssoner over seg. Dette er grunna naturleg terreng, bekkelar, klimaendringar som gjev risiko for ras og flaum. Form på tomt og terreng er der om vi regulerer eller ikkje.

SVAR: Administrasjonen har jobba mykje med å sjekka tilhøva rundt eksisterande tomter, ut i frå dei kart og den informasjon me har tilgjengeleg. Slik planframlegget ligg føre meiner me at det er teke dei omsyn til eksisterande tomter som det er opning for å gjera, etter å ha teke omsyn til naturfarar og føringar frå statlege og regionale styresmakter.

Avsluttande kommentar frå administrasjonen.

Det vedlagte planmaterialet, inkludert alle tilleggsrapportar og kart/teikningar, svarar ut plan- og bygningslova sine krav til innhald og utgreiingar i ein detaljreguleringsplan. Dette gjeld spesielt pbl § 4-2 om innhaldet i planskilddinga, § 4-3 om risiko og sårbarheit, § 5-1 om medverknad og § 5-2 om høyring og offentlig ettersyn. Plankart og føresegnar er utarbeidd i tråd med krava i pbl §§ 12-5, 12-6 og 12-7, og kart- og planforskrifta.

Administrasjonen rår til å gjera endeleg vedtak av detaljreguleringsplan for Eikedalen hyttegrend, planID 1242 201104.



SAKSFRAMLEGG

Sakshandsamar: Jan Erik Boge	Arkivkode: FE-044
Arkivsaksnr: 18/1787	Løpenr: 20/9539
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	12.11.2020	049/2020
Kommunestyret	03.12.2020	093/2020

Vedtak av delegeringsreglement for Samnanger kommune

12.11.2020 Formannskapet:

Handsaming i møtet:

Tilleggsforslag frå MDG, foreslått av Øyvind Strømmen, Miljøpartiet Dei GrøneBygdalista

Formannskapet ber om ein ytterlegare gjennomgang av delegering når det gjeld smittevernlova før saka vert handsama i kommunestyret.

Det vart røysta over rådmannen sitt framlegg, inkludert tilleggsframlegget til MDG. Samrøystes vedteke.

FORM- 049/2020 Vedtak:

Framlegget til delegeringsreglement vert vedteke. Reglementet trer i kraft 04.12.2020.

Vedtaket er gjort med heimel i kommunelova § 5-14.

Formannskapet ber om ein ytterlegare gjennomgang av delegering når det gjeld smittevernlova før saka vert handsama i kommunestyret.

Rådmannen sitt framlegg til vedtak:

Framlegget til delegeringsreglement vert vedteke. Reglementet trer i kraft 04.12.2020.

Vedtaket er gjort med heimel i kommunelova § 5-14.

Dokument som er vedlagt:

Framlegg til nytt delegeringsreglement

Dokument som ikkje er vedlagt:

- KommuneLOVA
(<https://lovdata.no/dokument/NL/lov/2018-06-22-83>)
- Gjeldande delegeringsreglement for Samnanger kommune
(<https://www.samnanger.kommune.no/Handlers/fh.ashx?MId1=67&FilId=1017>)

Kva saka gjeld:

Bakgrunn

Etter § 5-14 i kommunelova skal kommunestyret fastsetja eit reglement for korleis vedtaksmynde og innstillingsrett skal delegerast. Dette skal gjerast innan 31. desember året etter at kommunestyret vart konstituert. Samnanger kommunestyre må derfor fastsetja eit slikt reglement innan 31.12.2020. Fram til nytt reglement vert fastsett, vil det sist vedtekne delegeringsreglementet gjelda.

Det noverande delegeringsreglementet til Samnanger kommune vart vedteke av kommunestyret 14.06.2018 (sak 025/2018). Delar av reglementet vart revidert av kommunestyret 03.06.2019 (sak 029/2019). Kommunestyret vedtok òg nokre mindre justeringar i reglementet 05.03.2020.

Kommunestyret vedtok 20.02.2020 (sak 006/2020) å gje rådmannen ansvar for å utarbeida framlegg til revidert delegeringsreglement, og at framlegget skal leggjast fram til politisk behandling i formannskapet og kommunestyret innan 31.12.2020. Det vart òg vedteke at formannskapet skal vera styringsgruppe for arbeidet.

Formannskapet vedtok 03.09.2020 (sak 029/2020) prosess-/framdriftsplan for arbeidet. I formannskapsmøtet 15.10.2020 la administrasjonen fram eit notat med førebels utkast til endringar i delegeringsreglementet. Dette notatet dannar grunnlag for administrasjonen sitt endelege framlegg til revidert delegeringsreglement, som no vert lagt fram for politisk behandling.

Om framlegget til revidert delegeringsreglement

Delegeringsreglementet skal visa delegering ned til og med rådmannsnivået. Vidaredelegering av rådmannen sitt mynde er ikkje ein del av delegeringsreglementet som kommunestyret vedtek.

I saksutgreiinga til kommunestyremøtet 20.02.2020 går det fram at administrasjonen meiner det neppe er behov for å gjera store endringar i delegeringsreglementet. Bakgrunnen for dette er at det er relativt kort tid sidan det noverande reglementet vart utarbeidd og vedteke (i 2018), og at det no truleg mest vil vera behov for å gjera suppleringar/justeringar. Dette har òg vore utgangspunktet for administrasjonen sitt arbeid med framlegget til revidert reglement.

Dei endringane som administrasjonen foreslår i forhold til det noverande delegeringsreglementet, er primært følgjande:

1. Retta opp/justera reglementet på område der det har vist seg at reglementet er mangelfullt eller utydeleg.
2. Ajourføring av punkt i reglementet som følgje av andre kommunestyrevedtak, endringar i andre kommunale reglement, etc.

Gjennomgang av administrasjonen sitt framlegg

Nedanfor følgjer ei oversikt med nærmare informasjon om kva endringar administrasjonen foreslår i forhold til det noverande delegeringsreglementet. Endringar av rein redaksjonell karakter (for eksempel endringar som følgje av organisasjonsendringar eller kommunesamanslåingar) er ikkje med i oversikta.

Punkt i noverande reglement	Punkt i framlegg til revidert reglement	Foreslått endring
1.4.1 Delegering	1.4.1 Delegering	Noverande ordlyd: <i>“Med delegering meiner ein i dette reglementet overføring av mynde frå kommunestyret til politiske utval, rådmannen eller andre til å ta avgjerder på ulike område. Tidligere vedtak om delegering vert oppheva og erstatta av dette reglementet. Dette gjeld også tidlegare vedtak om vidaredelegering frå politiske utval og rådmannen.”</i> Forslag til ny ordlyd: <i>“Med delegering meiner ein i dette reglementet overføring av mynde frå kommunestyret til politiske utval, rådmannen eller andre til å ta avgjerder på ulike område. Dette reglementet erstattar kommunen sitt tidlegare delegeringsreglement.”</i> Bakgrunnen for dette endringsforslaget er at det ikkje er gjort store endringar i forhold til det noverande delegeringsreglementet, slik det vart gjort då det noverande delegeringsreglementet vart vedteke i 2018.
4.2.r Saker som skal handsamast av kommunestyret - kjøp og sal m.m. av eigedom	4.2.r Saker som skal handsamast av kommunestyret - kjøp og sal m.m. av eigedom	Noverande ordlyd: <i>“Saker om å kjøpa, avhenda, makeskifta eller pantsetja fast eigedom, og saker om å gje frå seg eller hefta bort rettar i fast eigedom. Slike saker er likevel delegerte til formannskapet når eigedomen eller rettane har ein verdi på mindre enn 1 million kroner. Når kommunestyret sjølv har vedteke at ein bestemt eigedom skal kjøpast, avhendast eller heftast bort og ikkje sjølv har fastsett prisen, er mynde til å fastsetja prisen delegert til formannskapet. Mynde til å kjøpa, avhenda eller festa bort, og til å fastsetja pris, har formannskapet òg når det gjeld gjennomføring av vedtak kommunestyret har gjort.”</i> Forslag til ny ordlyd: <i>“Saker om å kjøpa, avhenda, makeskifta eller pantsetja fast eigedom, og saker om å gje frå seg eller hefta bort rettar i fast eigedom. Slike saker er likevel delegerte til formannskapet når eigedomen eller rettane har ein verdi på mindre enn 1 million kroner. Når kommunestyret sjølv har vedteke at ein bestemt eigedom skal kjøpast, avhendast eller heftast bort og ikkje sjølv har fastsett prisen, er mynde til å fastsetja prisen delegert til rådmannen. Mynde til å kjøpa, avhenda eller festa bort, og til å fastsetja pris, har rådmannen òg når det gjeld gjennomføring av vedtak kommunestyret har gjort.”</i>

		Bakgrunnen for forslaget er at det etter administrasjonen sitt syn er lite føremålstenleg at formannskapet skal fastsetja pris eller stå for kjøp/sal av eigedommar som kommunestyret har bestemt skal kjøpast/seljast.
6.2.a m.fleire Generelt mynde for formannskapet	6.2.a m.fleire Generet mynde for formannskapet	Det vert foreslått å endra ordlyden frå <i>“Gje tilråding til kommunestyret...”</i> til <i>“Gje innstilling til kommunestyret....”</i>. Bakgrunnen for forslaget er at det er omgrepet “innstilling” som er brukt i kommunelova, og dette omgrepet bør òg brukast i delegeringsreglementet (d.v.s. at formannskapet og andre politiske organ gir innstilling til kommunestyret).
	6.2.i Nytt bokstavpunkt om mynde i rettstvistar	Det vert foreslått at kommunestyret delegerer følgjande fullmakt til formannskapet: <i>“Ta avgjerd om prosesshandlingar, bruk av rettsmidlar, inngåing av forlik og i spørsmål om dekking av sakskostnader. Fullmakta kan i enkeltsaker vidaredelegerast til ordføraren eller rådmannen..”</i> Bakgrunnen for forslaget er at det pr. i dag ikkje er godt nok avklart om andre enn kommunestyret har fullmakter til å ta avgjersler på vegner av kommunen i rettstvistar. Det vil truleg ikkje vera føremålstenleg at alle avgjersler som er beskrivne ovanfor skal takast av kommunestyret. Det vil uansett vera slik at kommunestyret skal avgjera alle saker der saka si art tilseier at kommunestyret sjølv må avgjera den (for eksempel prinsipielle saker), jf. punkt 4 i delegeringsreglementet.
6.2.j Formannskapet sitt mynde til å fastsetja pris ved kjøp, avhending eller borthefting av eigedommar		Noverande ordlyd: <i>“Når kommunestyret sjølv har vedteke at ein bestemt eigedom skal kjøpast, avhendast eller heftast bort og ikkje sjølv har fastsett prisen, er mynde til å fastsetja prisen delegert til formannskapet.”</i> Det vert foreslått at dette myndet vert overført til rådmannen, sjå punkt 18.2.3.o nedanfor.
6.2.n Innstillingsrett for formannskapet ved suppleringsval		Noverande ordlyd (om mynde for formannskapet): <i>“Ved suppleringsval til faste utval gir formannskapet innstilling til kommunestyret om faste medlemmer.”</i> Dette punktet er ikkje i samsvar med reglane i kommunelova § 7-10, og bør takast vekk.
6.2.t Formannskapet sitt mynde til å godkjenna KS- avtalar	6.2.t Formannskapet sitt mynde til å godkjenna KS- avtalar	Noverande ordlyd (om mynde for formannskapet): <i>“Godkjenna sentrale avtalar som Kommunesektorens organisasjon (KS) ikkje har mynde til å godkjenna sjølv.”</i> Det vert foreslått å leggja til følgjande setning på slutten av dette punktet: <i>“Dette omfattar òg fullmakt til å gjera vedtak i uravrøystingar om</i>

		<i>tariffavtaler”.</i> Bakgrunnen for forslaget er at det er ønskeleg at det går klart fram av delegeringsreglementet at formannskapet har fullmakt til å gjera vedtak i uravrøystingar.
	8.2.f (nytt punkt) Administrasjons- utvalet sine fullmakter knytt til seniorpolitisk plan	Forslag til nytt bokstavpunkt: <i>“Fullmakt til å gjera mindre vesentlege endringar i kommunen sin seniorpolitiske plan, samt innstillingsmynde til kommunestyret ved revisjon av planen.”</i> Bakgrunnen for forslaget er at det går fram i kommunen sin seniorpolitisk plan at administrasjonsutvalet har slike fullmakter.
14.2 Mynde som er delegert til kriseleiinga	14.2 Mynde som er delegert til kriseleiinga	Noverande ordlyd: <i>Ordføraren og rådmannen eller dei som fungerer som ordførar og rådmann, har fullmakt til å setja i verk kommunen sin beredskapsplan eller delar av denne. Dei same personane har fullmakt til å setja i verk naudsynte tiltak for å avhjelpa ein oppstått aktutt krise.</i> <i>Kommunen si kriseleiing har fullmakt til å gjera økonomiske disposisjonar, avgrensa til maksimalt 1 millionar kroner, til det føremål å bringa krisesituasjonen til opphøyr.”</i> Forslag til ny ordlyd: <i>Ordføraren og rådmannen (saman eller kvar for seg) har fullmakt til å setja i verk kommunen sin beredskapsplan, eller delar av denne. Dei har òg fullmakt til setja i verk naudsynte tiltak for å avverga eller avhjelpa ein krisesituasjon, når det er nødvendig å treffa eit vedtak så raskt at det ikkje er tid til å innkalla det organet som skulle ha avgjort saka.</i> <i>Kommunen si kriseleiing har fullmakt til å gjera økonomiske disposisjonar, avgrensa til maksimalt 1 millionar kroner, til det føremål å bringa krisesituasjonen til opphøyr.</i> <i>Ved usemje er det ordføraren som har avgjerdsmynde etter punkt a og b ovanfor.»</i> Den reelle endringa i forslaget er primært bokstavpunkt c, om avgjerdsmynde for ordføraren. Bakgrunnen for forslaget er mellom anna erfaringar frå koronapandemien, der det har vist seg at det er uheldig dersom det oppstår tvil om kven som har avgjerdsmynde ved usemje i kriseleiinga. Pr. i dag er det rådmannen som er leiari i kommunen si kriseleiing, men likevel kan det vera rett at ordføraren på vegner av kommunestyret/formannskapet har mynde til å ta avgjerd ved usemje i kriseleiinga. Dersom forslaget ovanfor vert vedteke, må det sjåast på om det er

		behov for å gjera endringar i kommunen sin beredskapsplan m/underplanar (for eksempel smittevernplanen). .
16.1.f Ordførar som kommunen sin rettslege representant	18.2.3.n Fullmakt til rådmannen til å inngå leigekontrakter	Noverande ordlyd: <i>“Ordføraren er kommunen sin rettslege representant. Administrasjonen v/rådmannen skal leggja rettsdokument og andre viktige dokument fram for ordføraren. Ordføraren underteiknar rettsdokument og saksdokument som har vore handsama i politiske fora”.</i> Det vert foreslått å ta vekk dette punktet. Det går fram av § 6-1 i kommunelova at ordføraren er rettsleg representant for kommunen og underskriv på kommunen sine vegner dersom myndet ikkje er tildelt andre. Det bør vera unødvendig å gjenta denne regelen i kommunen sitt delegeringsreglement. Nytt bokstavpunkt – etterfølgjande bokstavpunkt i 18.2.3 vert forskyve tilsvarande. Forslag til ordlyd i punkt 18.2.3.n: <i>“Fullmakt til å inngå leigekontrakter i fast eigedom med 5 års lengd eller mindre og ei utgift på 2 millionar kroner eller mindre. Denne fullmakta gjeld berre når kommunen skal vera leigetakar”.</i> I det noverande delegeringsreglementet (punkt 4.2.u) står det at kommunestyret skal inngå leigekontrakter i fast eigedom med meir enn 5 års lengd og ei utgift/inntekt på over 2 millionar kroner. Det står ikkje noko i det noverande delegeringsreglementet om kven som har mynde til å inngå leigekontrakter i fast eigedom med lengd på 5 år eller mindar og ei utgift på 2 millionar kroner eller mindre. Det er behov for å avklara om det er formannskapet eller rådmannen som skal ha slikt mynde. Administrasjonen foreslår at rådmannen får mynde til å inngå leigekontrakter i saker der kommunen skal vera leigetakar.
	18.2.3.o Fullmakt til rådmannen til å gjennomføra sal av kommunale eigedommar som kommunestyret har vedteke skal seljast	Nytt bokstavpunkt - etterfølgjande bokstavpunkt i 18.2.3 vert forskyve tilsvarande. Forslag til ordlyd i punkt 18.2.3.o: <i>“Når kommunestyret sjølv har vedteke at ein bestemt eigedom skal kjøpast, avhendast eller heftast bort og ikkje sjølv har fastsett prisen, er mynde til å fastsetja prisen delegert til rådmannen. Mynde til å kjøpa, avhenda eller festa bort, og til å fastsetja pris, har rådmannen òg når det gjeld gjennomføring av vedtak kommunestyret har gjort</i> Bakgrunnen for forslaget er at rådmannen i det noverande delegeringsreglementet ikkje er gitt fullmakter til å gjennomføra sal av eigedommar. I det noverande delegeringsreglementet står det følgjande om mynde til sal av eigedommar:

		Saker som skal handsamast av kommunestyret (pkt. 4.2.r): <i>“Saker om å kjøpa, avhenda, makeskifta eller pantsetja fast eigedom, og saker om å gje frå seg eller hefta bort rettar i fast eigedom. Slike saker er likevel delegerte til formannskapet når eigedomen eller rettane har ein verdi på mindre enn 1 million kroner. Når kommunestyret sjølv har vedteke at ein bestemt eigedom skal kjøpast, avhendast eller heftast bort og ikkje sjølv har fastsett prisen, er mynde til å fastsetja prisen delegert til formannskapet. Mynde til å kjøpa, avhenda eller festa bort, og til å fastsetja pris, har formannskapet òg når det gjeld gjennomføring av vedtak kommunestyret har gjort.”</i> Mynde som ligg til formannskapet (punkt 6.2.j): <i>“Når kommunestyret sjølv har vedteke at ein bestemt eigedom skal kjøpast, avhendast eller heftast bort og ikkje sjølv har fastsett prisen, er mynde til å fastsetja prisen delegert til formannskapet.”</i> Administrasjonen si vurdering er at rådmannen bør overta det myndet som i dag ligg til formannskapet i punkt 6.2.j. Administrasjonen si vurdering er vidare at det truleg er behov for eit eige reglement for sal av kommunale eigedommar, der det går klart fram kva mynde som ligg til høvesvis kommunestyret, formannskapet og rådmannen. Når eit slik reglement er vedteke, må delegeringsreglementet ajourførast dersom dette er nødvendig.
	18.2.3 p Fullmakt til rådmannen til å oppheva sal av kommunale tomter 18.2.3.q Fullmakt til rådmannen til å inngå avtalar om kjøp av konsesjonskraft	Forslag til nytt punkt: <i>“Fullmakt til å oppheva avtalar om sal av kommunale tomter som rådmannen har inngått.”</i> Bakgrunnen for forslaget er at det i dag ikkje går fram av delegeringsreglementet om rådmannen har slik fullmakt. Problemstillinga har vore aktuell i samband med at kjøparar av tomter i kommunale bustadfelt har ønska å heva kjøpet. Forslag til nytt punkt: <i>“Fullmakt til å inngå avtalar om sikring av pris på sal av konsesjonskraft, innanfor ein middels/låg risikoprofil.”</i> Forslaget er identisk med kommunestyret sitt vedtak 28.10.2020 i sak 077/2020. Det er ønskeleg at denne fullmakta vert teken inn i delegeringsreglementet. Det bør eventuelt vurderast om det skal vera ei øvre ramme for kor langvarige prissikringsavtalar rådmannen kan inngå (for eksempel eitt eller to år).
18.2.3.p	18.2.3.s	Noverande ordlyd: <i>“Fullmakt til å ta avgjerd i saker der organisasjonar har søkt om økonomisk stønad, støtteannonse eller liknande.”</i>

18.2.3.v Fullmakt til rådmannen til å rekna ut og utbetala lovfesta tilskot til livssyns- og trussamfunn		Forslag til ny ordlyd: <i>“Fullmakt til å ta avgjerd i saker der organisasjonar har søkt om økonomisk stønad, støtteannonse eller liknande, innanfor gjeldande budsjettamme”</i>. Bakgrunnen for forslaget (tilføyinga i siste setning) er at det då vil verta tydelegare kva fullmakt rådmannen har. I dag er det i nokre tilfelle tvil om kva søknader/saker som må leggjast fram for politisk behandling, og kva søknader/saker rådmannen kan avgjera. Noverande punkt 18.2.3.v vert teke vekk. Bakgrunnen for dette er at utrekning og utbetaling av lovfesta tilskot til livssyns- og trussamfunn no er overført frå kommunane til staten.
	18.2.3.u Fullmakt til rådmannen til å gjera vedtak om tilskot til kommunale barnehagar	Nytt punkt 18.2.3.u om fullmakt til rådmannen til å gjera vedtak om tilskot til kommunale barnehagar. I dag er dette myndet ikkje delegert, d.v.s. at vedtaksmynde ligg til kommunestyret. Etter reglane i forskrift om tildeling av tilskot til barnehagar, skal kommunen kvart år innan 31.oktober gjera vedtak om tilskot til kommunale barnehagar for det komande kalenderåret. Tilskotet vert rekna ut på bakgrunn av rekneskapstal, samt nokre skjønsmessige vurderingar. Administrasjonen si vurdering er at vedtaksmynde for tildeling av slikt tilskot bør leggjast til rådmannen.
	18.2.3.w Fullmakt til rådmannen til å godkjenna søknader frå folkevalde om reisegodtgjersle og dekking av tapt inntekt	Nytt bokstavpunkt – etterfølgjande bokstavpunkt vert forskyve tilsvarande. Forslag til ordlyd i punkt 18.2.3.w: <i>“Fullmakt til å godkjenna/avslå søknader og krav om godtgjersle og dekking av utgifter for folkevalde, jf. eiga forskrift. I tvilstilfelle skal rådmannen konsultera ordføraren”</i>. Forslaget må sjåast i samanheng med framlegget til forskrift om godtgjersle m.m. for folkevalde som kommunestyret skal behandla 03.12.2020.
18.2.4 m/underpunkt. Rådmannen sitt mynde i høve personal- og organisasjonssaker	18.2.4 m/underpunkt. Rådmannen sitt mynde i høve personal- og organisasjonssaker	Etter § 13-1 den nye kommunelova som tredde i kraft 01.01.2020, har rådmannen (kommunedirektøren) det løpande personalansvaret for den enkelte tilsette, inkludert tilsetjing, oppseiing, suspensjon, avskjed og andre tenestlege reaksjonar. Etter den gamle kommunelova låg slikt mynde til kommunestyret, som kunne velja å delegera myndet til for eksempel rådmannen. Som følgje av rådmannen sitt utvida

		lovfesta mynde i den nye kommunelova, er det etter administrasjonen si vurdering ikkje lenger nødvendig at ein del av dei noverande underpunkta til 18.2.4 står i delegeringsreglementet. Dette gjeld mellom anna følgjande noverande fullmakter: · godkjenna stillingsomtalar/stilingsinstruksar · godkjenna lønnsansiennitet · gjera vedtak om permisjonar for tilsette · gje påskjønning til tilsette · gjera vedtak om godtgjersle for bruk av eigen bil i tenesta · godkjenna ekstraarbeid utanom hovudstillinga i kommunen · gjera vedtak om lønns plassering · gjennomføra forhandlingar om løn · gjennomføra forhandlingar og drøftingar med tillitsvalde · inngå, reforhandla og seia opp lokale avtalar med fagforeiningane · avgjera om ledige stillingar skal lysast ut internt eller eksternt
18.2.4.g Rådmannen sitt mynde til å gjera vedtak om flyttegodtgjersle	18.2.6 Mynde til rådmannen til å gje uttalar på vegner av kommunen	Noverande ordlyd <i>“Fullmakt til å gjera vedtak om flyttegodtgjersle for tilsette, jf. eige kommunalt reglement.”</i> Som følge av at kommunen ikkje lenger har ordning med flyttegodtgjersle for tilsette, må dette punktet takast vekk. Nytt punkt i reglementet. Forslag til ordlyd i punkt 18.2.6: <i>“Rådmannen har fullmakt til å gje uttale på vegner av kommunen i saker av tydeleg administrativ eller fagleg karakter, d.v.s. i saker der det ikkje er kommunestyret eller formannskapet som skal gje uttale (jf. punkt 4.2 og 6.2.h). I saker der det kan vera tvil om kven i kommunen som har mynde til å gje uttale, skal kommunen konsultera ordføraren.”</i> Bakgrunnen for forslaget er at rådmannen i det noverande delegeringsreglementet ikkje er gitt fullmakter til rådmannen til å gje uttalar på vegner av kommunen. I det noverande reglementet står det følgjande om mynde for kommunestyret og formannskapet: Saker der kommunestyret skal gje uttale (punkt 4.2) <i>Mynde til å gje uttale frå Samnanger kommune i alle prinsipielle saker ligg til kommunestyret. Det er òg kommunestyret som skal gje uttale i andre saker som kan få økonomiske konsekvensar for kommunen, samt i andre saker der det er naturleg at kommunestyret uttalar seg. Dette gjeld mellom anna</i>

		<i>samferdselssaker som berører kommunen og saker om offentlege tenester som berører kommunen.</i> <i>I sakene som er nevnt ovanfor der det er viktig at kommunen gir uttale - men der uttalefristen kjem før kommunestyret sitt neste møte - har ordføreren ansvar for å undersøkje om det er mogleg å få utsett uttalefristen. Dersom uttalefristen ikkje kan utsetjast, har ordføreren ansvar for å vurdera om saka er så viktig at kommunestyret skal kallast inn til ekstramøte. I dei tilfella vurderinga er at saka ikkje er så viktig at kommunestyret skal kallast inn til ekstramøte, har formannskapet generell fullmakt frå kommunestyret til å gjera vedtak om uttale frå kommunen.</i> <i>Sjå òg punkt 6.2.j. om formannskapet sitt mynde til å gje uttalar.</i> Formannskapet sitt mynde til å gje uttalar (punkt 6.2.h) <i>Gje høringsuttalar til offentlege utgreiingar, lovforslag og forskriftsforslag innanfor formannskapet sitt ansvars- og arbeidsområde, når desse vert vurdert å ha politisk interesse. Dette gjeld ikkje uttalar i saker av slik karakter at det er kommunestyret som skal gje uttale (prinsippelle saker m.m.). Sjå òg punkt 4.3 om kva saker mynde til å gje uttale ligg til kommunestyret).</i> Administrasjonen si vurdering er at rådmannen bør ha mynde til å gje uttale i saker av tydeleg administrativ eller fagleg karakter. Det bør ikkje vera nødvendig at politisk nivå i kommunen vert involvert i denne typen saker, og det vil heller ikkje alltid vera tid til å handsama slike saker i politiske organ innanfor uttalefristen.
--	--	---

Andre vurderingar og konsekvensar:

Delegeringsreglementet er eit sentralt dokument for kommunen, som skal gje oversikt over kva mynde som ligg til kommunestyret og kva mynde kommunestyret har delegert til andre organ eller til rådmannen. Det vil vera eit veldig omfattande arbeid å utarbeida eit delegeringsreglement som gir detaljert oversikt over alt mynde som kommunestyret har delegert til andre, og kven myndet er delegert til. Kommunen si verksemd er regulert av svært mange lover og føresegner, og verken det noverande delegeringsreglementet eller framlegget til nytt reglement gir detaljert oversikt over delegeringar etter alle aktuelle lover/føresegner. Dersom det skal utarbeidast eit så detaljert reglement, må det truleg setjast av prosjektmidlar til dette i ein periode (til ei prosjektstilling/tilsvarande).

Det er ein grunnleggjande "svakheit" i kommunen sitt delegeringsreglement. Dette går på at generelt mynde etter ein del lover er delegert frå kommunestyret til både formannskapet (pkt. 6.5) og rådmannen (pkt 18.4), utan at det er presisert konkret korleis delegeringa er fordelt mellom formannskapet og rådmannen. Dette gjer at det kan oppstå tvil om det er formannskapet eller rådmannen som har avgjerdsmynde dersom det skal gjerast vedtak etter desse lovene. Dette er ein "svakheit" som har eksistert i kommunen sitt delegeringsreglement i mange år. Administrasjonen har

ikkje hatt kapasitet til utarbeida forslag som løyser dette, men det vil kunne sjåast på ved ein eventuell revisjon av delegeringsreglementet i 2021 eller 2022.

Detaljeringsgraden i administrasjonen sitt framlegg til revidert delegeringsreglement, er den same i som i det noverande reglementet. Denne detaljeringsgraden har i hovudsak vist seg å vera tilstrekkeleg, sjølv om det kan oppstå tilfelle der det er tvil om kva organ i kommunen som har avgjerdsmynde (sjå avsnittet ovanfor). I saker der det er tvil om kva organ i kommunen som har avgjerdsmynde, kan dette om nødvendig avklarast av kommunestyret. Det vil òg vera mogleg å revidera/rullera delegeringsreglementet på nytt i 2021 eller 2022, dersom det er behov for dette.

Punkt 5.3 i delegeringsreglementet (barnevernssamarbeid med Bergen kommune), vil verta teke ut av reglementet når barnevernstenesta vert tilbakeført til Samnanger kommune i 2021.

Det er behov for å sjå nærare på kommunen sine reglar for kjøp og sal av eigedommar og inngåing av leigekontrakter, inkludert kva mynde som skal liggja til høvesvis politisk nivå og rådmannen. Administrasjonen foreslår at dette vert gjort som ei eiga sak i 2021. Det kan då eventuelt verta aktuelt med eit eige reglement på dette området. I framlegget til revidert delegeringsreglement er det i denne omgangen berre foreslått å gje nokre fullmakter til rådmannen. Dette er fullmakter som administrasjonen meiner det er viktig å få på plass raskt.



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 20/889	Løpenr: 20/9479
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	12.11.2020	051/2020
Kommunestyret	03.12.2020	094/2020

Godkjenning av møteplan for 2021

12.11.2020 Formannskapet:

Handsaming i møtet:

Ordførar Knut Harald Frøland (Bl) sette fram følgjande framlegg til endring i forhold til rådmannen sitt framlegg:

- *"Starttidspunktet for ettermiddagsmøta i kommunestyret vert endra frå kl. 16.00 til kl. 15.00."*

Endringsframlegget til ordføraren vart vedteke med 8 mot 1 røyst. Odd Arne Haga (Frp) røysta imot.

Det vart til slutt røysta over resten av rådmannen sitt framlegg, som vart samrøystes vedteke.

FORM- 051/2020 Vedtak:

Framlegg til møteplan for 2021 vert vedteke, med følgjande endring:

- Starttidspunktet for ettermiddagsmøta i kommunestyret vert endra frå kl. 16.00 til kl. 15.00.

Vedtaket er gjort med heimel i § 11-2 i kommunelova.

Rådmannen sitt framlegg til vedtak:

Framlegg til møteplan for 2021 vert vedteke. Vedtaket er gjort med heimel i § 11-2 i kommunelova.

Dokument som er vedlagt:

Framlegg til møteplan for 2021

Dokument som ikkje er vedlagt:

Kommunelova, Reglement for kommunestyret, formannskapet, naturutvalet og kontrollutvalet, Kommunestyret sitt vedtak i sak 002/2018

Kva saka gjeld:

Det skal i kommunestyret sitt desembermøte leggjast fram sak om møteplan for kommunestyret, formannskapet, naturutvalet, administrasjonsutvalet, arbeidsmiljøutvalet, eldrerådet, ungdomsrådet og rådet for personar med nedsett funksjonsevne, jf. kommunestyrevedtak i sak 002/2018.

I valår vil det vera naturleg å ta med også valstyret sine møte i møteplanen. Kommunestyret skal i desembermøtet vedta møteplanen for det komande året.

Kontrollutvalet, som har eige sekretariat som ikkje har tilknytning til kommuneadministrasjonen, fastset møteplanen sin sjølv.

Framlegg til møteplan for 2021 følgjer som vedlegg til dette saksframlegget. Rådmannen har hatt dialog med ordføraren i samband med utarbeiding av framlegget. Det vert i framlegget foreslått følgjande tal møte i 2021:

Styre/utval/råd	Tal møte i 2021	Møtedag
Kommunestyret	6	Torsdag
Formannskapet	6	Torsdag
Naturutvalet	6	Tysdag
Rådet for pers. med nedsett funksjonsevne	3	Onsdag
Valstyret	3	

Styre/utval/råd	Tal møte i 2021	Møtedag
Arbeidsmiljøutvalet	4	Måndag
Eldrerådet	4	Tysdag
Ungdomsrådet	6	Onsdag
Administrasjonsutvalet	3	Torsdag

Talet på møte i framlegget til møteplan for 2021 er i hovudsak tilsvarande som i møteplanen for 2020.

Det går fram av kommunestyret sitt vedtak i sak 002/2018 at det enkelte organet har fullmakt til å gjera justeringar i møteplanen sin i løpet av året dersom det er behov for dette. I tillegg gjeld reglane i kommunelova § 11-2, sjå nedanfor. Det kan derfor verta endringar i møteplanen i løpet av 2021.

Kommunelova § 11-2:

§ 11-2. Møte

Folkevalgte organer skal behandle saker og treffe vedtak i møter.

Møter i folkevalgte organer skal holdes hvis ett av følgende vilkår er oppfylt:

- Organet selv, kommunestyret eller fylkestinget vedtar det.
- Organets leder mener det er nødvendig.
- Minst 1/3 av medlemmene krever det.

Møter i folkevalgte organer ledes av organets leder eller nestleder. Hvis begge har forfall, velges en særskilt møteleder ved flertallsvalg.

Alle medlemmer kan stille spørsmål til lederen, også om saker som ikke står på sakslisten.

**SAKSFRAMLEGG**

Sakshandsamar: Nina Erdal	Arkivkode: FE-200, TI-&14
Arkivsaksnr: 20/342	Løpenr: 20/10419
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	03.12.2020	095/2020

Økonomirapportering pr november**Rådmannen sitt framlegg til vedtak:**

Økonomirapporteringa vert tatt til orientering og det vert foretatt fylgjande budsjettjusteringar:

Driftsbudsjettet:	Utgift opp/ inntekt ned	Utgift ned/ inntekt opp
Skatt	2 285 200	
Rammetilskot og inntektsutjamning		1 400 000
Redusere avdragsbetaling (minimumsavdrag)	450 000	
Netto premieavvik inkl aga	4 300 000	
Redusert pensjonskostnad inkl aga		5 000 000
Utgift gransking barnevern	224 000	
Utgift vurdering søksmål mm som ikkje er finansiert	17 800	
Gåver til barnevernsgransking og vurdering søksmål		70 000
Bruk av disposisjonsfond ført tilbake	52 000	
Innsparing barnevern, estimat Bergen		500 000
Tilskot frå Havbruksfondet		979 000
Redusert avsetjing til disposisjonsfond	420 000	
Renter sjølvkost	330 000	
Renteutgifter lån		1 400 000
Renteinntekter	220 000	
Rentekompensasjon Husbanken	40 000	
Korona-tiltak tilsette	100 000	

Sjukeheim og heimetenester	900 000	
Sjukeheim og heimetenester, korona	260 000	
Auka skjønsmidler til korona		260 000
Barneskule og SFO	220 000	
Ungdomsskule		100 000
Skulelunsj og diposisjonsfond	60 000	60 000
Dråpeslottet barnehage	130 000	
Vassloppa barnehage	310 000	
Helsetunet		200 000
Innbyggjarservice		200 000
Kjøp skule-pc finansiert i investering.		150 000
Sum driftsbudsjett	10 319 000	10 319 000
Investering	Redusert finansiering / auka utgift	Redusert utgift / auka finansiering
Ras- og flaumsikring		116 000
VA Ytre Tysse		5 000 000
VA Nordbygda, reservevevassløyising mm		1 300 000
Redusert bruk av lånemidler	6 416 000	
Gangveg Hagabotnane		448 800
Refusjon fylket tilbakeført	200 000	
Bru Jarland		550 000
Socio – sakshandsamingssystem Nav		130 000
KLP eigenkapitaltilskot		41 000
Tippemidler, tilskot		84 000
Redusert bruk av ubunde investeringsfond	1 053 800	
Skule, inventar og pc	253 000	
Auke bruk av ubunde investeringsfond		253 000
Badevik, forskottering tippemidler	529 000	529 000
Badevik, endra finansiering frå tilskot til fond	179 200	179 200
Branntankbil	577 000	
VA-Eikedal	227 000	
Bruk av lånemidler		804 000
Sum investeringsbudsjett	9 435 000	9 435 000

Kva saka gjeld:

Det vert rapportert til kommunestyret på den økonomiske situasjonen pr november 2020. Det vert

sett på inntektsområde som skatt, rammetilskot mm. I tillegg er einingane sine budsjettområder gått igjennom og dei har rapportert pr oktober. For dei fleste einingane har 2020 vore eit krevjande år der korona-pandemien har påverka mellom anna organisering, tilsette og økonomi. Mange arrangement er blitt avlyst eller utsett og planlagt arbeid har og blitt flytta til 2021. Korona-pandemien vil med stor sannsynlegheit påverka oss i lang tid framover.

Skatt- og rammeinntekter

Pr oktober har Samnanger kommune ein skatteinngang som er på 87,6 % av landsgjennomsnittet før inntektsutjamning og 94,7 % etter. Kommunen har fått inn 2 mnok mindre enn budsjettet pr oktober. Då er kompensasjon frå staten for bortfall av skatteinntekter med kr 240 000 tatt omsyn til. Pr oktober har kommunen mottatt 1,4 mnok i auka rammetilskot (ikkje korona-relatert) og inntektsutjamning. November er ein av dei store skattemånadane og resultatet får me ikkje endeleg før ca. 20. desember då inntektsutjamninga er klar.

Kommunen har fått ekstra rammetilskot frå staten. Det vil og kome ei ny fordeling ca. 1. desember, men me har ikkje informasjon om kommunen vil få ytterlegare tilskot. Løn og andre utgifter som gjeld korona vert ført med eit eige prosjektnummer slik at det er mogeleg å ta ut rapport på utgiftene, men me ser og at det mest sannsynleg er utgifter som burde ha vore ført med prosjektnummeret, mellom anna ein del overtid på sjukeheimen. Pr 23.11.20 er det ca. kr 200 000 i utgifter som det ikkje er gitt tilskot til. Det vil kome ytterlegare utgifter i desember.

Staten har pr november betalt ut fylgjande ekstra tilskot knytt til korona:

Reduserte skatteinntekter	Kr 240 000
Utsett statleggjering av skatteoppkrevjar til 1.november 2020	Kr 297 000
Kompensasjon for tapt inntekt barnehage og sfo (inkl. privat kr 76 400)	Kr 484 000
Generelt koronatilskot	Kr 1 947 000
Ekstra skjønsmidlar	Kr 200 000
Ekstra skjønsmidlar, smittevernstiltak	Kr 160 000
Ekstra skjønsmidlar, korona	Kr 240 000
Sum	Kr 3 568 000
Vedlikehaldstilskot (ventilasjon ungd.skule og bygg Reistad)	Kr 1 100 000

I tillegg til tilskot vart sats for arbeidsgjevaravgift redusert med 4 prosentpoeng for 3.termin. For Samnanger kommune vart kr 1 080 431 betalt tilbake til kommunen og redusert utgift er fordelt på einingane. Arbeidsgjevarperioden for sjukemelde med korona-relatert fråvær vart og redusert frå 16 til 3 dagar. Det er bokført refusjonsinntekt på kr 300 000

Oppsummert: Netto skatt, ramme og inntektsutjamning viser ein inntektssvikt på 0,6 mnok. Skatteinngangen i november vil som vanleg ha stor betydning for korleis dette vil bli pr 31.12, men me må forvente redusert netto inntekt og me foreslår å ta budsjettet ned med 0,89 mnok.

Barnevern:

Kommunen har i 2019 og 2020 gjennomført gransking av eldre barnevernssaker i tre familiar. I 2020 er oppreisingsvedtak på til saman kr 1 150 000 finansiert ved bruk av disposisjonsfondet. Kostnad med granskingsrapporten inkludert vurdering av teieplikt, er på kr 224 000 og er ikkje finansiert. Kostnad med å vurdere søksmål er finansiert med til saman kr 350 000 frå disposisjonsfondet. Utgifta kom på til saman kr 367 800. Det er gitt om lag kr 70 000 i gåve til barnevernsgranskinga og som kan erstatte bruk av disposisjonsfondet med kr 52 000.

Kommunen kjøper i 2020 barneverntenester frå Bergen kommune. Prognose pr september viser ei forventa innsparing på om lag 0,5 mnok. Pr juni er det plassert 5 born i beredskapsheim og statlege

fosterheimar.

Tilskot frå Havbruksfondet:

Kommunen har fått tilskot frå havbruksfondet sidan 2017. Utbetalingane har variert frå kr 43 000 i 2017 til 2,3 mnok i 2018. I år har kommunen fått utbetalt 1,78 mnok . Budsjettet var opphavleg på 2,2 mnok, men vart i økonomirapporteringa pr august redusert til 0,8 mnok basert på informasjonen me fekk frå Fiskeridirektoratet på det tidspunktet. No kan meirinntekt på kr 979 000 leggst inn att i budsjettet.

I budsjettet for 2020 var me klar over at storleiken på tilskotet frå Havbruksfondet var usikkert og heile tilskotet er derfor sett av til disposisjonsfondet. Denne avsettinga vil no bli redusert med kr 420 000

Pensjon og premieavvik

Årets lønsoppgjer vart langt lågare enn forventa. Dette har og resultert i lågare pensjonskostnad og lågare premieavvik. Netto gir dette kommunen ei meirinntekt på ca. 0,7 mnok.

Avdrag og rente

Kommunestyret har gjort vedtak om at kommunen i 2020 skal betale minimumsavdrag. Dette vart hausten 2019 estimert til ein reduksjon i avdragsbetalinga på 1 mnok. I ny kommunelov er det presisert både metode, men og at det kun er avskrivingsbare anleggsmidler som skal vere med i berekning. Kommunen har i mange år brukt den no lovfesta metoden for berekning av minimumsavdrag, men no når tomtar ikkje lenger kan vere ein del av minimumsavdragsberekning så påverkar det storleiken på minimumsavdraget. Ny berekning av minimumsavdrag viser at avdragsbetalinga må aukast med kr 450 000.

I januar var renta på lån utan binding på 2,4 %. No ved utgangen av 2020 er renta på 0,9 %. Dette gir store utslag når 55 % av lånegjelda ikkje har rentebinding. Estimert innsparing er på om lag 1,4 mnok.

Den låge renta påverkar og kalkulatorisk rentekostnad på sjølvkost. Motpost til sjølvkostområdet sitt rentekostnad ligg som inntekt og vert redusert med ca. kr 330 000

Renteinntektene på bankinnskot vil og bli redusert no når renta er låg. Det er budsjettert med renteinntekt på kr 420 000, men me kan ikkje forvente meir enn ca. kr 200 000.

Rentekompensasjon frå Husbanken vil og bli redusert når renta er låg, estimert reduksjon kr 40 000.

Einingane:

Korona-pandemien har gitt einingane og tilsette mange utfordringar. Kohort-organisering gjer at det i enkelte einingar må vere fleire tilsette til stades. Terskelen for å vera borte frå jobb på grunn av korona-pandemien er òg svært låg, og det er ikkje alle som har arbeidsoppgåver som gjer at dei kan jobbe heimanfrå dersom dei har milde symptom. Korona-testing og venting på svar fører òg til fråver, men i Samnanger får dei fleste no prøvesvar i løpet av 1-2 døgn.

Barnehagane fekk auka budsjetttramma i august med til saman kr 630 000. I tillegg vart inntektene redusert med kr 190 000. Det vart og varsla om at dei hadde ein utfordrande økonomisk situasjon og at dei må spare der dei kan.

Vassloppa barnehage: Barnehagen har aukande utgifter med born som treng tilrettelegging og barnehagen treng ekstraløyving for å klare å halde budsjettet. Dei sparar der dei kan, men med unntak av lønn er dei andre postane små og det er lite å hente. Totalt sett treng barnehagen å få styrka lønsbudsjettet med kr 185 000. Det er budsjettert med eit lønstilskot frå Nav som dei ikkje kjem til å få. Dette er på kr 115 000. Sum totalt kr 300 000.

Dråpeslottet barnehage: Til tross for at budsjetterte inntekter vart redusert pr juli, gjer færre born i

haust kombinert med redusert foreldrebetaling at inntekta må reduserast med kr 55 000. Dråpeslottet har på same måte som Vassloppa barnehage aukande utgifter til born som treng tilrettelegging og lønsbudsjettet må aukast med kr 75 000. Sum totalt kr 130 000.

Barneskulen har bak seg eit krevjande år, ikkje berre pga korona-situasjonen. Fokuset har vore på å drive ein god skule for elevane og dette er òg etter avtale med rådmannen. Barneskulen låg lenge an til å ende opp med eit større meirforbruk på lønn, men har no klart å redusere dette til om lag kr 156 000. SFO har færre born enn det som det er budsjettet med og det har og vore born som har slutta i løpet av hausten (føresette på heimkontor mm). Inntekta ser ut til å bli om lag kr 64 000 lågare enn budsjettet. Totalt sett treng eininga å få tilført kr 220 000 for å klare å halde budsjettet.

Ungdomsskulen har så langt i 2020 hatt lite sjukefråvere blant tilsette og dei har og brukt undervisning på Teams både når elevar er heime og når lærar er heime. Nedstenginga i vår og kohort-organisering har òg gitt innsparing på andre postar. Totalt sett har eininga innsparing på om lag kr 100 000. Dei har ynskje om å bruka innsparinga til å skifte ut pultar og stolar for elevane utover det som låg i opphavleg budsjett. Dette har rådmannen sagt ja til. Innkjøpet skal først i investering og me kan då få frigitt driftsmidlar ved å finansiere dette innkjøpet med fond eller lånemidlar.

Det vart gitt ei ekstraløyving frå disposisjonsfondet på kr 80 000 til felles skulelunsj. Dette er berre delvis gjennomført pga korona-pandemien og om lag kr 60 000 vil bli tilbakeført til fondet.

Sjukeheim og heimetenester. Eininga har hatt store utfordringar både økonomisk og med å få på plass nok personell. Det vart bestemt at det ikkje skulle brukast vikarar frå vikarbyrå eller som arbeidde i andre kommunar. Det vart kun avvika 3 vekers ferie i sommar og mange må no avvike restferien sin. Tilsette kan ikkje gå på jobb dersom dei har korona-liknande symptom og dette har resultert i svært høgt sjukefråvere med høge vikarutgifter og mykje bruk av overtid. Eininga har eit meirforbruk på overtid på 0,9 mnok som dei ikkje klarar å finne inndeckning på. Desse meirutgiftene er ikkje ført som koronarelaterte utgifter, men svært mykje av dette er knytt til pandemien.

I tillegg til meirforbruk på overtid har eininga òg hatt 1,3 mnok i utgifter som er merka med prosjektnummer og der kr 260 000 ikkje er gitt tilskot til. Me har fått informasjon frå fylkesmannen om at det vil bli gitt ekstra skjønsmidlar til kommunane 1. desember og me legg inn som ein føresetnad at kommunen sine meirutgifter vil bli kompensert.

Eininga har behov for å få styrka budsjettet med 0,9 mnok. I tillegg forventar me at meirforbruk på prosjektnummer korona på kr 260 000 vil bli kompensert for med auka skjønsmidlar.

Eining for funksjonshemma har hatt auka utgifter til vikar og ekstra hjelp knytt til korona med kr 315 000 som er kompensert med ekstra skjønsmidlar. Eininga har hatt auka utgifter til kjøp av tenester/ avlasting og forventar at om lag 80 % av dette vil bli kompensert som tilskot til ressurskrevjande brukarar. Eininga vil mest truleg gå i balanse.

Helsetunet: Stillinga til smittevernlege er auka opp frå mars og eininga har og hatt betydelege utgifter til smittevernutstyr mm. Total kostnad til korona-relaterte utgifter pr november er på kr 650 000. Alt er kompensert for med ekstra skjønsmidlar. Eininga har hatt innsparing på både løn til jordmor og til psykiatri. I tillegg er det og innsparing på løn til einingsleiar då dette i ein forsøksperiode vart lagt inn i stillinga som helsesøster frå og med mars 2020. Det har vist seg at dette ikkje er realistisk å få til og frå 2021 er det lagt inn budsjettmidlar til einingsleiar i 20 %. Totalt sett har eininga ei innsparing i 2020 på om lag kr 200 000.

Innbyggjarservice:

Servisesenter melder ikkje om avvik mot budsjett. Kulturkontoret har i år hatt mange arrangement som er avlyst og rekneskapen viser pr november låge utgifter med unnatak av løn. Fordi mykje av dette vert finansiert med fond og gåver skal unytta midlar overførast til neste år. Totalt sett vil kulturkontoret gå i balanse. NAV og flyktningkontoret melder om innsparing på løn. Det er auka

utgifter til ytingar til livsopphald og truleg kjem noko av denne auken som eit resultat av pandemien. Estimert vert auken på om lag kr 150 000, men totalt sett har eininga ei innsparing på om lag kr 200 000.

Teknisk forvaltning har i år fleire prosjekt som pga koronasituasjonen har blitt utsett til 2021. Fleire av desse er finansiert av fond. Eininga har meirforbruk på mellom anna brann, men innsparing på løn og sjukerefusjon totalt sett gjer at eininga meiner at dei skal klare å halde budsjettet.

Teknisk drift melder ikkje om meirforbruk. Reinhold har hatt meirutgifter til smittevern og ekstra reinhold på kr 181 000 pr november. Det meste er finansiert med ekstra skjønsmidlar. Totalt sett vil eininga gå i balanse. Det som er mest usikkert er korleis brøytesesongen vert.

Korona-pandemien har gjort at tilsette i Samnanger kommune har hatt mange utfordringar i året som har gått. Mange har stilt opp ekstra og har for eks. flytta på ferie for at brukarar og andre ikkje skal bli skadelidande. Kohort-organisering er ei ekstra utfordring i ein travel kvardag. Pandemien har no pågått over lang tid og det begynner å bli litt slitasje. Me veit og at dette kjem til å vere normalsituasjonen i mange månader framover. Dei tilsette i kommunen treng eit løft og ein påskjøning for innsatsen som er lagt ned. Rådmannen kjem til å kjøpe inn refleks-vest (bånd) til alle tilsette som takk for innsatsen. Dette er det budsjettmidlar til. Me ynskjer og å lage til julelunsj for dei tilsette, sjølv sagt organisert i kohort. Kjøkkenet på sjukeheimen har tatt på seg dette arbeidet og det vil bli servert variert julemat i tillegg til kake og litt ekstra godt no i jula. For å få dette til må det løyvast ekstra midlar på kr 100 000.

Oppsummert så vil driftsbudsjettet gå i balanse. Det er knytt usikkerheit spesielt til skatteinngangen i november, og inntektsutjamninga.

Investering

Under følger ein kort gjennomgang av dei fleste investeringsprosjekta. Der det er avvik vert budsjettet justert. Dette gjeld og når prosjektet er forseinka eller vart rimelegare enn først antatt. Budsjettjusteringane vert gjort for at det skal vere mest mogeleg samsvar mellom rekneskap og budsjett.

Ras- og flaumsikring i Reistadområdet er no ferdig og vart kr 116 000 under budsjett.

Skottabakken er tidlegare rapportert med meirforbruk på om lag 3,6 mnok. Byggjerekneskapen er under arbeid, men me rakk ikkje å få dette ferdig til kontrollutvalet sitt siste møte i 2020 og det vil bli lagt fram tidleg i 2021.

Renovering av **bru på Jarland** let seg ikkje gjennomføra i 2020 pga. anleggsarbeidet på kraftverk Jarland. Prosjektet er utsett til 2021 og ført opp i budsjettet. Budsjettet for 2020 vert redusert tilsvarande.

Gangveg til Hagabotnane er ikkje starta opp. Det er ikkje kome på plass avtale med grunneigar. Det er brukt kr 51 200 til konsulent, resten av budsjettet vert ført tilbake.

VA (vatn og avløp) Ytre Tysse er prosjektert og det meste av utgifta vil kome i 2021. 5 mnok av budsjettet sum vert ført tilbake.

Høgdebassenget i Nordbygda var estimert til om lag 2,5 mnok og kostnad endå på om lag 3,75 mnok då det vart nødvendig å skifte ut alle tilførselsleidningar frå den gamle barnehagen og opp til høgdebassenget i ny trasé. Anna arbeid med infrastruktur på VA er forseinka. Arbeidet med reservevassløysing er utsett til 2021. Avsett beløp på til saman 1,3 mnok kan førast tilbake.

Det er løyvd 1 mnok til renovering av **vegar** og desse midlane vert disponert i løpet av 2020.

Prosjektet med **vegnummerering og skilting** vert avslutta no og er innafor løyvinga på kr 450 000.

Skulane fekk løyving til å kjøpa inn **stolar og AV-tavler** på til saman kr 260 000. Barneskulen valde å kjøpe inn ei tavle ekstra i staden for stolar. No har ungdomsskulen innsparing på budsjettet og har fått løyve til å bestilla pultar og stolar for til saman kr 85 000. Til saman vil kostnad for desse to prosjekta kome på kr 72 000 over budsjett. Dette kan finansierast med driftsmidlar, men me forslår å bruka ubunde investeringsfond.

Det er og kjøpt inn **elev-pc** for til saman kr 181 000. Kr 150 000 er finansiert med driftsmidlar, men ved å endre finansiering kan me få friggitt midlar i drift.

Det er bygd ei eiga **pandemiavdeling** på sjukeheimen og kjøpt inn utstyr og renovering delar av 95-bygget. Kostnad var tenkt finansiert med korona-midlar, men me ser at det ikkje er gitt ekstra skjønsmidlar nok til å dekke meirutgiftene på drift. Utgifta til pandemi-avdelinga på kr 258 000 kan finansierast med lånemidlar eller med fond gåvekonto arv. Eininga meiner sjølv at det vil vere riktig å bruke arv då denne avdelinga på sikt vil kunne takast i bruk som demensavdeling.

Branntankbil. Den gamle er selt for kr 150 000 og brukt branntankbil vart kjøpt for kr 700 000. Det er og noko utgifter til omregistrering og foliering mm som pr no ikkje er bokført. Netto finansiering vert om lag kr 577 000. Bilen er til reparasjon i Bergen og denne reparasjonen skal selgar betale.

Oppgradering av **Socio** (sakbehandlingssystem på Nav) vert gjort i samarbeid med IKT Norhordland. Budsjettmidlane vert ført tilbake. Finansiering var ubunde investeringsfond, kr 130 000.

Tippemidlar til idrettsanlegget er utbetalt med kr 1 140 000. Dette er kr 84 000 meir enn budjettert og tilskotet vert sett av til ubunde investeringsfond.

Badevik på Bjørkheim er for det meste ferdig. Det som står igjen er universelt utforma baderampe, stupebrett og arbeid på naustet. Dette arbeidet vil bli utført i 2021 og er estimert til om lag kr 300 000. Kostnad pr november er 1,74 mnok. Kommunen har fått tilskot frå Miljødirektoratet på kr 532 500 og kjem og til å søka om tippemidlar, estimert sum kr 529 000. Tippemidlane må forskotterast. Totalt sett er forventta tilskot noko lågare enn det som var lagt inn i budsjettet og kommunen må finansiera kr 179 200 i tillegg til å forskottera tippemidlane. Totalt kr 708 200 kan finansierast av ubunde investeringsfond.

I finansiering av badevika er det lagt inn bruk av fond Sima-Samnanger med kr 345 402. Desse midlane kan nyttast både i drift og investering. Eit alternativ til å bruke av ubunde investeringsfond og fond Sima-Samnanger er å bruke av lånemidlar med totalt kr 779 200 og forskottering av tippemidlar frå ubunde investeringsfond med kr 529 000. I budsjettendringsskjemaet er det lagt inn auka bruk av ubunde fond, men lånemidlar i kombinasjon med fond vil vere eit godt alternativ.

KLP-eigenkapitaltilskot vart kr 41 000 lågare enn budjettert. Finansiering var ubunde investeringsfond og beløpet vert ført tilbake til fond.

Overgang til **Visma** (økonomi- og lønssystem) har gått som planlagt og vil vera innafor budsjetttramma på 1,8 mnok.

VA-Eikedal. Vestland fylkeskommune held på med eit rassikringsprosjekt ved Storebekken i Eikedalen. Framtidig vass- og avløpsleidning skal krysse vegen på denne staden og prosjektet kan legge til rette for dei leidninga VA-traseen treng. Dette er ein kostnad som kommunen må ta, men som inngår i sjølvkost Eikedal. Kostnad estimert til kr 227 000.



SAKSFRAMLEGG

Sakshandsamar: Meline Heimdal Haugland	Arkivkode: FE-233, FA-D10
Arkivsaksnr: 20/497	Løpenr: 20/10461
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	03.12.2020	096/2020

Rullering av handlingsprogram og prioritering av spelemiddelsøknader 2020 Kommunedelplan for idrett, fysisk aktivitet og friluftsliv 2014-2024

Rådmannen sitt framlegg til vedtak:

Samnanger kommune vedtek handlingsprogrammet for 2020-2023 og prioriterer søknader om spelemidler til ordinære anlegg og nærmiljøanlegg som følger:

Ordinære anlegg:

1. Bjørkheim friluftsområde
2. Dagsturhytta

Nærmiljøanlegg:

1. Samnanger barneskule – hinderløype

Dokument som er vedlagt:

Handlingsprogram 2020-2023

Dokument som ikke er vedlagt:

Kommunedelplan for idrett, fysisk aktivitet og friluftsliv 2014-2024
Bestemmelser om tilskudd til anlegg for idrett og fysisk aktivitet – 2020
Lov om planlegging og byggesaksbehandling

Kva saka gjeld:

Søknader om spelemidler skal i første omgang prioriterast politisk i kommunane. Deretter skal søknadane sendast vidare til fylkeskommunen for endeleg vedtak i prioritert rekkefølge.

Kommunen skal sette opp ei oversikt over søknadane i to søknadsgrupper:

- Ordinære anlegg
- Nærmiljøanlegg

Ordinære anlegg vert definert som anlegg for organisert og eigenorganisert idrett og fysisk aktivitet.

Nærmiljøanlegg vert definert som anlegg eller område for eigenorganisert fysisk aktivitet, som ligg i tilknytning til bu- og/eller opphaldsområder. Nærmiljøanlegg er kun utandørsanlegg.

For å kunne søka om spelemidlar til ordinære anlegg er det ein føresetnad at anlegget er del av ein vedteken kommunal plan som omfattar idrett og fysisk aktivitet. For nærmiljøanlegg omfattar vilkåret kun anlegg med ei kostnadsramme over kr 600 000. For å fanga opp nye eller endra behov krev plan- og bygningsloven ein årleg rullering av handlingsdelen jf. § 11-1.

Rulleringa av handlingsprogrammet og prioritering av søknader i 2020 vert oversendt til Hordaland fylkeskommune og handsama i 2021.

Vurderingar og konsekvensar:

I år er det to søknader til ordinære anlegg å prioritera mellom. Det er Bjørkheim friluftsområde og dagsturhytta. Det er også søkt om spelemidlar til nærmiljøanlegg på barneskulen i form av hinderløype.

På grunn av stort etterslep i Vestland fylke vil tiltaka ikkje få prioritet før søknaden har vore fremja i tre år. Det er tredje året søknad om tilskot Bjørkheim friluftsområde vert fremja, og første året for dagsturhytta og hinderløypa.

Prioriteringa av spelemiddelsøknader skal i utgangspunktet vurderast ut frå kva for eit anlegg det er mest behov for. Samstundes er det eit stort etterslep i Vestland fylke, og det er som regel få søknader å prioritera mellom i Samnanger. Det gjer at det vert naturleg å ha ei «kø-ordning», kor dei som søker på andre året etc. vert prioritert før nye søknader.

Me har valt å leggja til grunn for ei kø-ordning. Då vert Bjørkheim friluftsområde prioritert som nummer 1 og dagsturhytta som nummer 2 når det gjelder ordinære anlegg. Som einaste anlegg vert hinderløypa ved barneskulen prioritert som nummer 1 av nærmiljøanlegg.

Alle idrettsanlegg som får godkjent søknaden sin av Vestland fylkeskommune vil til slutt få spelemidlar, men det kan ta fleire år.



SAKSFRAMLEGG

Sakshandsamar: Venla Arponen Snilstveit	Arkivkode: FE-113
Arkivsaksnr: 20/810	Løpenr: 20/10466
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	03.12.2020	097/2020

Utarbeiding av kommunal handlingsplan for forebygging av sjølvsmord og sjølvskading

Rådmannen sitt framlegg til vedtak:

Rådmannen får ansvar for å utarbeida ein kommunal handlingsplan for forebygging av sjølvsmord og sjølvskading for Samnanger kommune. Kommunepsykolog vert prosjektleiar i utarbeiding av planen og alle tenester i kommunen må bidra i utarbeiding og implementering av planen. Planen skal leggjast fram til politisk handsaming innan 31.12.2021.

Dokument som ikkje er vedlagt:

- Handlingsplan for forebygging av selvmord

([regjeringens-handlingsplan-for-forebygging-av-selvsmord-2020-2025.pdf](#))

- Selvskading og selvmord – veiledende materiell for kommunene om forebygging

([Selvskading og selvmord – veiledende materiell for kommunene om forebygging - Helsedirektoratet](#))

- Lov om kommunale helse- og omsorgstenester
([Lov om kommunale helse- og omsorgstenester m.m. \(helse- og omsorgstenesteloven\) - Kapittel 3. Kommunenes ansvar for helse- og omsorgstenester - Lovdata](#))
- En hjelp for kommuner til utarbeiding av: Kommunal handlingsplan om selvmord og selvskading
([Kommunal handlingsplan om selvmord og selvskading - Kommunal handlingsplan for forebygging av selvmord og selvskading \(kommunalhandlingsplan-mal-selvsmord.no\)](#))

Kva saka gjeld:

Kommunen har eit ansvar for å førebyggja, avdekkja, avverja, behandla og følgja opp sjølvskading og sjølvsmordsforsøk. Det er anbefalt av Helsedirektoratet at kommunen utarbeidar ein eigen kommunal

handlingsplan for førebygging av sjølvsmord og sjølvskading i forkant. Det skal vera ein handlingsplan med konkrete tiltak.

Eit mål med planen er å samordne dei ulike tenestane som møter menneskjer med sjølvsmordsåtfærd. Planen skal sikra; (1) at kommunen har fokus på førebygging, behandling og oppfølging; (2) at etterlatne og berørte får eit tilrettelagt og heilskapleg tilbod.

Planen skal også bidra til at kommunen driv god fagleg førebygging av sjølvsmord og sjølvskading i eit folkehelseperspektiv, styrke kunnskapen til dei tilsette i kommunen og vidareutvikla samarbeidet mellom faggrupper, sektorar og forvaltningsnivå.

Samnanger kommune har pr. i dag ingen handlingsplan for forebygging av sjølvskading og sjølvsmordsforsøk.

For å sikre eigarskap og forankring av planen anbefalast det at representantar frå alle tenester i kommunen bidrar i utarbeiding av planen gjennom å delta i innspelmøte og/eller prosjektgruppe. I tillegg vil ein invitere inn frivillige organisasjonar og lag, samt andre sentrale aktørar som t.d. spesialisthelsetenesta og arbeidsplassar. Det er formålstenleg at det vert satt ned ei prosjektgruppe som har fokus på barn og unge og ei gruppe med fokus på vaksne og eldre i utarbeiding av planen.

Planperiode 2020-2025: Igangsetjing av planarbeid 2021, utarbeiding og vedtak av plan 2021/2022, sette planen i drift 2022-2025.

Vurderingar og konsekvensar:

Kommunen er ikkje pålagt av lov å ha ein handlingsplan for forebygging av sjølvsmord og sjølvsskading, det er likevel sterke anbefalingar frå Helsedirektoratet at kommunen skal ha ein slik plan og Regjeringa innførte i vår (2020) ein nullvisjon for sjølvsmord i Noreg.

Om lag 550 personar døyr i sjølvsmord kvart år i Noreg. Om lag 18% av ungdom mellom 12 og 18 år og 4% av vaksne oppgir å ha skada seg sjølv med vilje. Ein kommunal handlingsplan vil kunne gje auka kompetanse i kommunen på ulike nivå og på ulike arena til å kunne forebygge avdekkje, behandla og følgja opp personar som sjølvskadar og dei som står i fare for sjølvsmord. Planen vil også kunne betre samarbeidet mellom tenester. Konsekvensen av ein slik plan vil i så måte kunne vera å unngå at liv går tapt.

Utarbeiding av ein plan vil medføre kostnader i form av frigjering av personell til deltaking i arbeidet med planen. I implementeringsfasen må ein pårekne at at det vert nytta ein del ressursar til kurs og opplæring, både i form av frigjering av personell og til å dekke kurskostnader og materiell.



SAKSFRAMLEGG

Sakshandsamar: Pål Strand	Arkivkode: FA-F03, TI-&75
Arkivsaksnr: 19/507	Løpenr: 20/9166
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	12.11.2020	046/2020
Kommunestyret	03.12.2020	098/2020

Leve hele livet

12.11.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 046/2020 Vedtak:

Kommunestyret tek saka til etterretning.

Samnanger kommune inngår samarbeidsavtale med Nasjonalforeningen for folkehelsen om «Eit demensvenleg samfunn».

Rådmannen sitt framlegg til vedtak:

Kommunestyret tek saka til etterretning.

Samnanger kommune inngår samarbeidsavtale med Nasjonalforeningen for folkehelsen om «Eit demensvenleg samfunn».

Dokument som er vedlagt:

Handlingsplan (rev.)

Dokument som ikkje er vedlagt:

- [Stortingsmelding nr. 15 \(2017-2018\)](#)
- [Leve hele livet – regjeringen.no](#)

Kva saka gjeld:

Reformen Leve hele livet er skildra i Stortingsmelding nr. 15 (2017-2018).

Reformen skal bidra til at eldre kan mestre livet lenger, ha tryggleik for at dei får god hjelp når dei treng det, at pårørende kan bidra uten at dei blir utslitt og at ansatte kan bruke sin kompetanse i tenestene. Meldinga sitt hovedfokus er å skape eit mer aldersvennleg Noreg og finne nye og innovative løysingar på dei kvalitative utfordringene knytt til aktivitet og fellesskap, mat og måltid, helsehjelp og samanheng og overgangar i tenestane

Reformen har 5 satsingsområde :

1. Et aldersvennlig samfunn
2. Aktivitet og fellesskap
3. Mat og måltider
4. Helsehjelp
5. Samanheng i tjenestene

Reformperioden tok til 1. januar 2019 og skal vare i fem år - med ulike faser for planlegging, gjennomføring og evaluering. Regjeringa legg opp til ein prosess der kommunestyret seinast i løpet av 2020 handsamar og vedtek korleis reformen kan løysast lokalt. Kommunar som omstiller seg i tråd med reformen vil bli prioritert innafor relevante eksisterande og eventuelle nye statlege støtteordningar.

Innholdet i reformen er omfattande. Av den grunn er det viktig at den enkelte kommune legg opp til ein god prosess som både strukturerar og systematiserar korleis reformen skal følgast opp. I Samnanger har me valgt å setje ned ei brei arbeidsgruppe. Reformen blir sett på som ein eldrereform, men den er samtidig sektorovergripande, og omfatter innbyggjarane i kommunen på fleire områder. Målet til arbeidsgruppa har vore å utarbeide ein handlingsplan for Samnanger kommune. Handlingsplanen vert no lagt fram for kommunestyret, slik at arbeidsgruppa kan få forankring og retning for det vidare arbeidet med planen. Hovudliner og tiltak vert teke med i arbeidet med Samnanger kommunen sin samfunnsplan.

Vurderingar og konsekvensar:

1. Nasjonalforeningen for folkehelsen har eit prosjekt, med kurs og materiell som kommunen kan nytte i arbeidet med Eit aldersvennleg samfunn. Ved å inngå ei samarbeidsavtale med Nasjonalforeningen for folkehelsen vil kommunen få tiltang til kurs og materiell. Dette er kostnadsfritt for kommunen. Rådmannen foreslår at kommunen inngår samarbeidsavtale med Nasjonalforeningen for folkehelsen.
2. Kommunen har eit prosjekt på Velferdsteknologi med varighet ut 2020. Dette er framtidens teneste. Skal kommunen kunne tilby ulike typar velferdsteknologi til innbyggjarane sine, krev det midlar til dette kvart år over budsjettet. Teknologi som vert rekna som helsehjelp må finansierast av kommunen. Prosjekt innen velferdsteknologi vert teke inn i budsjettprosessen.
3. Eit anna tiltak kan vere å ha egen bil/minibuss til å frakte innbyggjarar mellom ulike arrangement – dette er eit ynskje som er meldt inn frå fleire ulike kantar i bygda. Tiltaket vil gjere det lettare for innbyggjarane å kunne delta på aktivitetar og vere del av eit sosialt fellesskap. Ein slik bil/minibuss vil og kunne nyttast til andre oppgaver, som til dømes å hente brukarar til dagsenteret, køyre til tannlegetimar, og til at dei på sjukeheimen elles kan komme seg ut på tur. Kanskje barnehage og skule og kan få nytte av ein slik bil/minibuss. Andre kommunar som har slik bil/minibuss, har og tilbod om handleruter – der eldre kan få reise på butikken og handle sjølve.

4. Fleire av dei andre tiltaka krev tid og ressursar i form av ein tilsett. Eit alternativ kan vere å tilsette ein sjukepleiar i 100 % stilling, som tryggleikssjukepleiar. Denne sjukepleiaren kan då ha ansvar for forebyggjande heimebesøk, undervisning innan ernæring og demens - til både tilsette og innbyggjarar i kommunen, få i gang treningsgrupper i lag med fysioterapeut og vere pådrivar for ulike møteplassar i lag med frivillighetskoordinator. I tillegg kan det vere mogleg å få til eit kvardagsmestringsteam, med tryggleikssjukepleiar som leiar. Oppgåvene som er foreslått her, heng i saman og vil vere naturlege å kombinere.
5. Kommunen vil fortsette arbeidet med å få til eit godt samarbeid med frivillige, på fleire områder. Frivilligsentralen blir eit viktig knutepunkt mellom frivillige, tenestemottakarar og kommune.



SAKSFRAMLEGG

Sakshandsamar: Jan Erik Boge	Arkivkode: FE-044
Arkivsaksnr: 18/1787	Løpenr: 20/9480
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	12.11.2020	050/2020
Kommunestyret	03.12.2020	099/2020

Godkjenning av forskrift om økonomisk godtgjersle, dekking av utgifter m.m. for folkevalde i Samnanger kommune

12.11.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 050/2020 Vedtak:

Kommunestyret vedtek framlegget til forskrift om økonomisk godtgjersle, dekking av utgifter m.m. for folkevalde i Samnanger kommune. Forskrifta trer i kraft 01.01.2021. Frå same dato vert kommunen sitt noverande reglement om godtgjersle til folkevalde oppheva.

Vedtaket er gjort med heimel i kommunelova §§ 8-3, 8-4, 8-6 og 8-10, jf. forvaltningslova kapittel VII m.fl.

Rådmannen sitt framlegg til vedtak:

Kommunestyret vedtek framlegget til forskrift om økonomisk godtgjersle, dekking av utgifter m.m. for folkevalde i Samnanger kommune. Forskrifta trer i kraft 01.01.2021. Frå same dato vert kommunen sitt noverande reglement om godtgjersle til folkevalde oppheva.

Vedtaket er gjort med heimel i kommunelova §§ 8-3, 8-4, 8-6 og 8-10, jf. forvaltningslova kapittel VII m.fl.

Dokument som er vedlagt:

Framlegg til forskrift om godtgjersle, dekking av utgifter, m.m. til folkevalde i Samnanger kommune

Dokument som ikkje er vedlagt:

- Kommunelova
(<https://lovdata.no/dokument/NL/lov/2018-06-22-83>)
- Forvaltningslova

- (<https://lovdata.no/dokument/NL/lov/1967-02-10>)
- Reglement for godtgjersle til folkevalde i Samnanger kommune
(<https://www.samnanger.kommune.no/Handlers/fh.ashx?Mid1=67&Fillid=10>)
- Forskrift for Tønsberg kommune
(<https://lovdata.no/dokument/LF/forskrift/2019-11-07-1481>)
- Forskrift for Etnedal kommune
(<https://lovdata.no/dokument/LF/forskrift/2019-10-31-1463>)
- Proposisjon om ny kommunelov - Prop. 46 L (2017-2018)
(<https://www.regjeringen.no/no/dokumenter/prop.-46-l-20172018/id2593519/>)

Kva saka gjeld:

Innleiing

Etter reglane kapittel 8 i den nye kommunelova skal kommunestyret gje forskrift om folkevalde sin rett til å få dekka utgifter og økonomisk tap (§ 8-3), arbeidsgodtgjersle (§ 8-4), ettergodtgjersle (§ 8-6) og permisjonar (§ 8-10).

Formannskapet vedtok 20.02.2020 å gje rådmannen ansvar for å utarbeida framlegg til slik forskrift. Forskrifta vil erstatta kommunen sitt noverande reglement for godtgjersle til folkevalde.

Administrasjonen sitt framlegg til forskrift vart lagt fram for formannskapet 03.09.2020. Formannskapet vedtok der å leggja framlegget ut til offentleg høyring på kommunen si heimeside, med høyringsfrist 31.10.2020. Høyringa har også vorte kunngjort i lokalavisa Samningen.

Det har ikkje kome inn nokon høyringsuttalar.

Det går fram av kommunelova at det er kommunestyret som skal vedta forskrifta. Reglar om utarbeiding, utforming, kunngjering m.m. av forskrifter står i forvaltningslova (kapittel VII m.fl.). Kommunal- og moderniseringsdepartementet har i tillegg utarbeidd eit rundskriv (datert 04.12.2019) med rettleiing om utforming av nye forskrifter i kommunane og fylkeskommunane.

Om framlegget til forskrift

Det er i framlegget lagt opp at det vert vedteke ei samla forskrift for §§ 8-3, 8-4, 8-6 og 8-10 i kommunelova. Alternativet vil vera å vedta separate forskrifter for desse paragrafane, noko administrasjonen meiner ikkje er nødvendig.

I framlegget til forskrift er det teke utgangspunkt i Samnanger kommune sitt noverande reglement for godtgjersle til folkevalde. Administrasjonen har i tillegg mellom anna sett på Tønsberg kommune si forskrift om «folkevalgtes godtgjøring og velferdsgoder» og Etnedal kommune si forskrift om «folkevalgtes godtgjøring».

Som tittel vert det foreslått «*Forskrift om godtgjersle, dekking av utgifter, m.m. for folkevalde i Samnanger kommune*».

Administrasjonen foreslår som nemnt ovanfor at forskrifta skal gje reglar for dei fire paragrafane i kommunelova som er nemnde ovanfor (§§ 8-3, 8-4, 8-6 og 8-10). I tillegg vert det foreslått å ta inn reglar om følgjande i forskrifta:

- pensjonsordning (jf. § 8-7 i kommunelova)
- ytingar etter dødsfall/gruppelivsforsikringar
- utstyr (nettbrett) og økonomisk kompensasjon for dei som held seg med nettbrett/PC sjølv
- rett til sjukepengar

I Tønsberg kommune si forskrift er det også teke med reglar om rettar ved yrkesskade.

Administrasjonen si vurdering er at det ikkje er nødvendig å ha med reglar om rettar ved yrkesskade i Samnanger si forskrift. Det går fram av § 8-9 i kommunelova at kommunen skal sørge for at folkevalde som har vervet som sin "hovedbeskjeftigelse", har same rett til ytingar ved yrkesskade som tilsette i kommunen eller fylkeskommunen.

Ved utarbeidinga av høyringsframlegget til forskrift for Samnanger i september 2020, var administrasjonen si vurdering at det heller ikkje ville vera nødvendig å ta inn reglar om rett til sjukepengar i Samnanger si forskrift. I administrasjonen sitt endelege framlegg til forskrift som no vert lagt fram for politisk handsaming, er det likevel lagt inn eit kapittel om sjukepengar. Årsaka til dette er primært at administrasjonen har kome til at det er nødvendig å presisera kva reglar som skal gjelda for utbetaling av sjukepengar til folkevalde, jf. reglar i kommunelova og folketrygdlova. I Samnanger er det pr. i dag berre ordføraren som har rett til sjukepengar, ref. § 8.8 i kommunelova.

Nedanfor følgjer ei oversikt som viser kva faktiske endringar administrasjonen foreslår i forhold til reglane i Samnanger kommune sitt noverande reglement for godtgjersle til folkevalde:

1. Reglane om ettergodtgjersle til ordførar (kapittel 7) er justert slik at dei er i samsvar med reglane i den nye kommunelova.
2. Det vert foreslått ei justering i reglane om utbetaling av leiargodtgjersle for nestleiar i utval/råd (§ 2-4). Endringa gjeld utbetaling av leiargodtgjersle til nestleiar dersom utvalsleiar vert indisponert i lang tid p.g.a. sjukdom eller liknande. I dag skal leiargodtgjersle utbetalast til nestleiar når utvalsleiar har vore indisponert i to månader. Det vert foreslått å auka denne grensa til tre månader. To månader er kort tid, og det kan ofte vera meir enn to månader mellom kvart møte i dei aktuelle utvala/råda (naturutvalet, kontrollutvalet og eldrerådet).
3. Det vert foreslått at sats for møtegodtgjersle for ungdomsrådet vert teke med i forskrifta (§ 2-6). I dag står denne satsen i vedtektene for ungdomsrådet, der det òg står at satsen skal regulerast årleg av kommunestyret. Satsen er i dag på 400 kroner. Det vert no foreslått å knytta denne satsen opp mot ordførargodtgjersla, og at godtgjersla skal vera 0,05 % av ordførargodtgjersla (pr. d.d. vil satsen då verta 420 kroner).
4. Det vert foreslått at forskrifta skal gje reglar om godtgjersle for folkevalde som deltek på pliktige kurs og eksterne møte (§ 2-7). Me har i dag ikkje klare reglar for dette. For eksterne kurs vert det foreslått same sats som møtegodtgjersle («høg sats»). For nettbaserte kurs (på minst to timar) vert det foreslått same sats som møtegodtgjersle («låg sats»).
5. Det vert foreslått at forskrifta ikkje skal innehalda reglar om tidspunkt for møte i folkevalde organ, slik det det noverande reglementet om godtgjersle gjer. Reglar om tidspunkt for møte bør stå i kommunen sitt reglement for kommunestyret m.fl.
6. Satsen for dekking av legitimert økonomisk tap (§ 3.2.a) vert foreslått auka. Satsen er i dag inntil 3 500 kroner pr. møte-/reisedag, og har stått uendra i om lag ti år. Det vert foreslått å knytta satsen opp mot ordførargodtgjersla og at satsen skal vera inntil 0,5 % av ordførargodtgjersla (pr. d.d. vil satsen då verta inntil ca. 4 200 kroner). Det vert også foreslått å ta inn ei presisering om at satsen gjeld for både møte og kurs.
7. Det vert foreslått å ikkje lenger ha ein eigen sats for dekking av legitimert tap for møte som varer minde enn tre timar. I det noverande reglementet er det ein eigen sats for slike møte (inntil 1 100 kroner). Det vert også foreslått å ta inn ei presisering om at satsen for dekking av legitimert tap gjeld for både møte og kurs.
8. Satsane for dekking av ulegitimert tap ved deltaking på møte vert foreslått auka (§ 3-2.b), og knytta opp mot ordførargodtgjersla. Det vert vidare foreslått å ta vekk regelen om at desse satsane berre skal gjelda for sjølvstendig næringsdrivande. Det vert også foreslått å ta inn ei presisering om at satsane gjeld for både møte og kurs. For møte som varer mindre enn tre timar vert satsen foreslått auka frå inntil 1 000 kroner til inntil 1 680 kroner (0,2 % av ordførargodtgjersla). For møte som varer frå tre til seks timar vert satsen foreslått auka frå inntil 2 000 kroner til inntil ca. 2 519 kroner (0,30 % av ordførargodtgjersla). For møte som varer over seks timar vert satsen foreslått auka frå inntil 3 000 kroner til inntil 3 779 kroner (0,45 % av ordførargodtgjersla). Det kan også vurderast om det vil vera tilstrekkeleg å berre ha ein sats, på same måte som administrasjonen foreslår for legitimert tap.
9. Det vert foreslått å knytta satsen for dekking av utgifter til nødvendig tilsyn av barn m.m. (§ 4-1) opp mot ordførargodtgjersla, samt å redusera satsen noko i forhold til i dag. I kommunen sitt

noverande reglement er satsen den same som for legitimerede krav tapt inntekt, d.v.s. inntil 3 500 kroner. Det vert no foreslått at satsen skal vera inntil 0,25 % av ordførargodtgjersla (pr. i dag vil satsen då verta 2 100 kroner).

10. Det vert foreslått å ta inn ei presiering om at skyssutgifter kan krevjast dekkja på reiser som er over fire kilometer (til saman for tur-/returreise), i samband med pliktig deltaking på møte og kurs (§ 4-2). Det går fram av § 8-3 i kommunelova at folkevalde har krav på skyss-, kost- og overnattingsgodtgjersle for reiser i samband med vervet. Kommunen må bestemma om det skal vera ein grense for kor lang reisa må vera for at den folkevalde skal kunne krevja godtgjersle. Administrasjonen foreslår at det skal vera ei grense på fire kilometer (til saman for tur-/returreise).
11. Det vert foreslått at varaordføraren skal ha same sats for telefongodtgjersle som tilsette i kommunen (§ 4-3). I det noverande reglementet er satsen for varaordførar 1 000 kroner pr. år (83 kroner pr. månad), medan telefongodtgjersle for tilsette i kommunen er ca. 2 750 kroner pr. år (229 kroner pr. månad).
12. Det vert foreslått å ta inn eit punkt om disponering av kommunalt nettbrett og godtgjersle for folkevalde som vel å halda seg med nettbrett/PC sjølv (§ 5-1). Det vert også her foreslått å knytta godtgjersla opp mot ordførargodtgjersla, og at satsen skal vera 0,1 % av ordførargodtgjersla pr. år. Dette utgjer pr. d.d. 840 kroner. Jf. kommunestyresak 087/2019, der ein sats på ca. 825 kroner pr. år var lagt til grunn i saksutgreiinga.
13. Det er for alle typar utgiftsdekking/dekking av tap lagt inn regel om folkevalde må senda krav til kommunen fortløpande, og seinast tre månader etter møtet/kurset/reisa.
14. Det vert foreslått ein eigen paragraf (§ 8-1) om permisjonar for ordføraren, jf. reglar i § 8-10 i kommunelova. Ordføraren er den einaste folkevalde i kommunen som har det politiske vervet som sin «hovedbeskjeftigelse». Det er pr. i dag derfor berre behov for å ha permisjonsreglar etter kommunelova § 8-10 for ordføraren, ikkje for andre folkevalde.

Punkt som er lagt inn i framlegget til forskrift etter høyringsrunden i september/oktober 2020:

15. Det vert foreslått å ta inn reglar om rett til sjukepengar for ordføraren (kapittel 9). Etter kommunelova § 8-8 skal kommunen sørgja for at folkevalde som har vervet som sin «hovedbeskjeftigelse», har same rett til sjukepengar som tilsette i kommunen. For dei første 16 sjukedagane vil ordninga for ordføraren vera identisk som for tilsette i kommunen (kommunen betalar sjukepengane i denne perioden) For tilsette utbetalar kommunen lønn også etter den 16. sjukedagen, og får refusjon frå NAV i samsvar med reglane i folketrygdlova. På grunn av at ordføraren i folketrygdlova har rettar som «frilansar» (ikkje som tilsett), vil ikkje kommunen kunne krevja refusjon for sjukepengar som vert utbetalt til ordføraren. På grunn av dette foreslår administrasjonen at ordføraren sjølv må krevja inn sjukepengar frå NAV frå og med den 17. sjukedagen. Ordføraren vil då kunne få sjukepengar frå NAV, avgrensa til opptil 6G (G = grunnbeløpet i folketrygda). Kommunen må frå og med den 17. sjukedagen dekkja/utbetala differansen mellom 6G og full ordførargodtgjersle.

Vurderingar og konsekvensar:

Framlegget til forskrift er som nemnt ovanfor basert på Samnanger kommune sitt noverande reglement for godtgjersle til folkevalde. Framlegget er relativt langt og innhald relativt detaljerte reglar, på same måte som kommunen sitt noverande reglement. Dette er gjort for å unngå at det skal vera nødvendig å ha ein «retteleiar» eller andre føresegrar i tillegg til sjølve forskrifta.

Administrasjonen foreslår å knytta flest mogleg av satsane i forskrifta opp mot ordførargodtgjersla. Ordførargodtgjersla vert normalt regulert kvart år, og ved å knytta dei andre satsane opp mot ordførargodtgjersla vil også dei andre satsane i forskrifta automatisk verta regulerte.

Ordførargodtgjersla vert i dag regulert 1. januar kvart år (under føresetnad av at godtgjersla til stortingsrepresentantane vart regulert i året som gjekk), og utgjer 85 % av godtgjersla til stortingsrepresentantane. Stortingsrepresentantane si godtgjersle vert vanlegvis regulert 1. mai kvart år. Reguleringa av ordførargodtgjersla ligg derfor vanlegvis åtte månader på «etterskot» i forhold til

reguleringa for stortingsrepresentantane. I administrasjonen sitt forslag er det ikkje foreslått å endra på dette, men kommunestyret kan sjølvstendig bestemme at ordførargodtgjersla skal regulerast frå same dato som stortingsrepresentantane si godtgjersle. Denne endringa vil i så fall då også gjelda for alle andre godtgjersler/satsar som er baserte på ordførargodtgjersla, og vil medføre auka utgifter for kommunen.

Det vert foreslått å vidareføre den noverande ordninga med møtegodtgjersle pr. møte som folkevalde deltek på. Ei alternativ ordning vil vera å ha ei fast årleg godtgjersle til faste medlemmer i kommunestyret, formannskapet, naturutvalet, kontrollutvalet m.fl, samt møtegodtgjersle pr. møte for varamedlemmer. Ein del kommunar har slik ordning. Administrasjonen tilrår ikkje at det vert innført slik ordning i Samnanger, mellom anna fordi talet på møte kan variera ein god del frå år til år. Den mest «rettferdige» ordninga vil etter administrasjonen si vurdering vera å halda fram med å utbetala møtegodtgjersle pr. møte den folkevalde deltek på.

Det vert ikkje foreslått endringar i satsane for møtegodtgjersle, med unnatak av ein liten auke for ungdomsrådet (pr. d.d. frå 400 kroner til ca. 420 kroner). Satsen for møtegodtgjersle for medlemmer i kommunestyret m.fl. («høg sats») er 0,2 % av ordførargodtgjersla (pr. d.d. 1 680 kroner).

Det vert heller ikkje foreslått endringar i reglane for kor ofte møtegodtgjersle og godtgjersle til utvalsleiarar skal betalast ut. I dag er det to årlege utbetalningar - normalt i juni og november - og denne ordninga vert foreslått vidareført. Utbetaling av utgiftsdekking og erstatning for tapt inntekt vil framleis normalt skje månaden etter at kravet er levert inn.

Administrasjonen foreslår ein regel om at krav om utgiftsdekking og erstatning for tapt inntekt skal sendast inn fortløpande, og seinast tre månader etter møtet/kurset. Bakgrunnen for dette er ønske om å unngå at slike krav kjem inn lenge på etterskot, då dette gjerne fører til meirarbeid/utfordringar for administrasjonen.

Det er krav i kommunelova (§ 8-3) om at det skal vedtakast ulike satsar for dokumenterte og ikkje-dokumenterte tap av inntekt. I forslaget til forskrift er satsane for dekking av legitimerede krav høgare enn satsane for ulegitimerte krav, på same måte som i kommunen sitt noverande reglement.

I Tønsberg kommune si forskrift går det fram (§ 4-1) at også folkevalde utan fast lønna arbeid (for eksempel heimeverande, studentar og pensjonistar) kan ha krav på erstatning for tapt inntekt. Bakgrunnen for dette er at det i forarbeida til kommunelova (Prop. 46 L, side 120-121) er slått fast at også desse gruppene kan ha krav på erstatning for tapt inntekt. I rådmannen sitt framlegg til forskrift for Samnanger er det i § 3-2.b lagt opp til at både sjølvstendig næringsdrivande, heimeverande, pensjonistar og studentar vil kunne fremja krav om erstatning for tapt inntekt (ikkje legitimert inntektstap). Rådmannen vil i samband med revisjonen av kommunen sitt delegeringsreglement hausten 2020 foreslå at rådmannen får fullmakt til å avgjera om slike krav skal imøtekomast, men at rådmannen skal konsultera ordføraren i tvilstilfelle.

Det går fram av § 8-7 i kommunelova at kommunestyret kan vedta å oppretta eller slutta seg til ei pensjonsordning for folkevalde. Kommunestyret vedtok i 2013 (sak 050/13) at Samnanger kommune skal ha same pensjonsordning for folkevalde som for dei tilsette (tenestepensjonsordning). Alternativet vil vera at kommunen opprettar ei eiga pensjonsordning for folkevalde, etter same modell som stortingsrepresentantane har. I Samnanger er det ordføraren den einaste folkevalde som er omfatta av kommunal pensjonsordning. Administrasjonen foreslår at det i forskrifta skal vera ein paragraf (§ 7-2) der det går fram at kommunen skal ha same pensjonsordning (tenestepensjon) for folkevalde som for dei tilsette.

I kommunen sitt noverande reglement er det bestemt at ordføraren skal omfattast av § 10 i hovudtariffavtalen - «ytelser etter dødsfall/gruppelivsforsikringer» - på linje med tilsette i kommunen. Administrasjonen foreslår at dette også vert teke inn (vidareført) i forskrifta (§ 7-3).

Administrasjonen har fått spørsmål om folkevalde både kan få utbetalt møtegodtgjersle og få dekket tapt arbeidsforteneste samstundes når dei deltek på eit møte/kurs. Svaret på dette er ja. Dersom ein folkevald oppfyller vilkåra for å få dekket tapt arbeidsforteneste, kan ho/han få utbetalt dette i tillegg til møtegodtgjersle.

Det har ikkje kome inn nokon høyringsuttalar. Som nemnt ovanfor har administrasjonen forslag til ei endring i forhold til framlegget til forskrift som har vore ute på høyring. Endringa er at det vert lagt inn eit kapittel om sjukepengar (kapittel 9). Bortsett frå dette er framlegget som no vert lagt fram for endeleg handsaming/godkjenning identisk med høyringsframlegget. Vedtaksdato og ikrafttredingsdato vil verta lagt inn i forskrifta når den er vedteken.

Det vil vera mogleg for kommunestyret å vedta justeringar i forskrifta, dersom det vert behov for dette etter at forskrifta vert vedteken og sett i verk første gong.



SAKSFRAMLEGG

Sakshandsamar: Jan Erik Boge	Arkivkode: FE-231
Arkivsaksnr: 20/890	Løpenr: 20/9481
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	12.11.2020	052/2020
Kommunestyret	03.12.2020	100/2020

Diverse kommunale avgifter og gebyr 2021

12.11.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 052/2020 Vedtak:

Kommunale avgifter og gebyr for 2021 vert fastsette i samsvar med vedlagte framlegg til betalingsregulativ. Generell auke er 2,7 % når ikkje noko anna går fram av regulativet. Regulativet gjeld frå og med 01.01.2021.

Rådmannen sitt framlegg til vedtak:

Kommunale avgifter og gebyr for 2021 vert fastsette i samsvar med vedlagte framlegg til betalingsregulativ. Generell auke er 2,7 % når ikkje noko anna går fram av regulativet. Regulativet gjeld frå og med 01.01.2021.

Dokument som er vedlagt:

Kommunale avgifter og gebyr 2021

Dokument som ikkje er vedlagt:

Betalingsregulativ/oversikt over kommunale avgifter og gebyr for 2020

Kva saka gjeld:

Kommunen tilbyr og utfører ei rekkje tenester for innbyggjarane og andre som oppheld seg i kommunen. Nokre av desse tenestene krev kommunen betaling for. Det er ulike reglar for korleis kommunen kan ta betalt for tenestene. For nokre tenester er det staten som bestemmer satsane. Dette gjeld for eksempel maksimumspris for barnehageplass, og for nokre grupper også betaling for heimebaserte tenester.

For andre tenester har staten sett som føresetnad at brukaren betalar det tenesta kostar. Dette vert gjerne kalla sjølvkostprinsippet. Dette gjeld dei fleste tenester som eining for samfunnsutvikling og

teknisk drift kan ta betalt for. Definisjon av sjølvkost er den totale kostnaden som ein kommune får ved å produsera ei bestemt vare eller teneste, uavhengig av finansieringsform. Det er også eit prinsipp at ein generasjon ikkje skal subsidiera eller bli subsidiert av neste generasjon. Det er fleire forskjellige sjølvkostområde. For nokre av desse områda, for eksempel tømming av slamavskiljarar, er det lovmessig krav om at sjølvkost skal danna grunnlaget for brukarbetaling. For andre område, for eksempel vatn og avløp, er ikkje kommunen pålagt full kostnadsdekning, og kan finansiera desse gebyrområda med andre driftspengar. Kommunen kan derimot påleggja seg sjølv å ha full kostnadsdekning. Samnanger kommune har hatt som prinsipp at det så lang som mogleg skal vera full sjølvkost på alle gebyrområde der sjølvkost set den øvre ramma for brukarbetaling.

For ein del tenester er det heilt opp til kommunen å fastsetja betalingssatsane. Kommunen kan òg velja å ikkje ta betalt for nokre tenester.

Administrasjonen kjem kvart år med framlegg til satsar for dei fleste kommunale avgiftene/gebyra. Formannskapet handsamar administrasjonen sitt forslag og gir tilråding til kommunestyret, som gjer endeleg vedtak. Det har dei siste åra variert om kommunale avgifter/gebyr har vorte lagt fram som eiga sak, eller om det har vore ein del av saka om budsjett og økonomiplan. For 2021 har administrasjonen valt å leggja fram saker om kommunale avgifter/gebyr som eigne saker.

Kyrkjestyret/soknerådet vedtek framlegg til festeavgifter m.m. på kyrkjegarden, men det er kommunestyret som gjer endeleg vedtak også om desse satsane.

Denne saka gjeld avgifter og gebyr for følgjande tenester/tilbod:

- Heimebaserte tenester
- Matombringning
- Tryggleiksalarm/elektroniske dørlåsar
- Makspris på institusjonsopphald (sjukeheim)
- Barnehagetilbod
- Skulefritidsordning
- Kulturskulen
- Kopiering
- Gebyr for omsetning av alkoholhaldig drikk
- Gebyr for sals- og skjenkeløyve
- Gebyr for omsetning av tobakk
- Purregebyr
- Bruk av idrettsanlegget i Hagabotnane
- Symjebassenget
- Utleige av kommunale bygg
- Takstar for attkasting på kyrkjegarden
- Feiing og tilsyn
- Vatn
- Avløp/kloakk
- Slamtømming

I tillegg til denne saka om diverse avgifter og gebyr for 2021, vert òg følgjande andre saker om avgifter og gebyr for 2021 lagt fram for politisk handsaming:

- Gebyrregulativ 2021 for bygge- og delingssaker, plansaker og saker etter matrikkellova og forureiningslova
- Regulering av husleige i kommunale bygg
- Renovasjonsgebyr 2021

Administrasjonen tek sikte på å leggja fram ei eiga sak om brukarbetaling for velferdsteknologi i løpet

av første halvår 2021. Administrasjonen ynskjer ein ny gjennomgang av betaling for opphald på dagsenteret og dette vil kome opp som eiga sak i løpet av første halvår 2021. Fram til desse sakene er lagt fram, vil prisane bli justert på vanleg måte med verknad frå 01.01.21.

Vurderingar og konsekvensar:

Administrasjonen har lagt inn forslag om ein auke på 2,7 prosent i dei fleste satsane for kommunale avgifter/gebyr for 2021. Bakgrunnen for dette er at det er denne satsen som er brukt som deflator (samla pris- og kostnadsvekst i kommunane) i framlegget til statsbudsjett for 2021.

Gebyr for sjølvkostområda vatn, avløp og slam vert berekna særskilt og tek omsyn til mellom anna planlagte investeringar, storleiken på fond og forventta tal abonnentar. Kloakkavgift (avløp) vert foreslått auka med 5 % prosent. Avgifter for vatn vert auka med 3 % og avgift for slam og septiktanktømming vert foreslått redusert med 10 %. Sjølvkostområdet i Eikedal får ein auke på 5 % på vatn og avløp.

Nedanfor følgjer informasjon om bakgrunnen for rådmannen sitt forslag for ein del av avgiftene/gebyra:

- **Heimebaserte tenester og korttidsopphald på sjukeheim:** vert regulert i samsvar med staten sine maksimumssatsar som truleg vert klare i slutten av desember 2020. Dette gjeld for dei som har lågare inntekt enn 2 G. For dei som har høgare inntekt enn 2 G vert satsane foreslått auka med 2,7 prosent.
- **Matombringning** Fleire av brukarane har eit ynskje/ behov for å få levert andre måltid enn middag, mellom anna lunsj og kvelds. Dette er allereie starta opp og vert levert ut av heimeteneste/heimesjukepleie. Satsane for middag m/ dessert vert auka med 2,7 % og det vert lagt til nye gebyr for andre måltid.
- **Tryggleiksalarm.** Dette er blitt fakturert kvartalsvis på etterskot. Det vert foreslått å gå over til å fakturera dette månadleg på etterskot. Prisauke på 2,7 %. Tryggleiksalarm vil inngå i sak om velferdsteknologi.
- **Maksimalpris for langtidsopphald ved sjukeheimen:** vert foreslått regulert med 2,7 prosent.
- **Barnehageplass:** det vert foreslått at Samnanger framleis skal bruka maksimalsatsen som vert regulert av staten.
- **Mat barnehage:** vert foreslått auka med 2,7 prosent. Her inngår frukt som ein del av tilbodet.
- **Skulefritidsordning (SFO):** det vert foreslått å auka årssatsane med 2,7 prosent. Det vert vidare foreslått at kommunen med verknad frå august 2021 skal gå over frå betaling fordelt på 11 månader til betaling fordelt på 10 månader, med juli og august som betalingsfrie månader. Som følge av overgangen til betaling fordelt på 10 månader, vil satsen pr. måned auka frå september 2021. Frå hausten 2020 har staten innført ordning med inntektsgradert foreldrebetaling. Dette vert utvida til og å gjelde born i 3. og 4.klasse frå hausten 2021.
- **Gebyr for sein henting i barnehage og SFO:** det vert foreslått auka gebyret med 2,7 prosent.
- **Kulturskule:** vert foreslått regulert med 2,7 prosent.
- **Kopiering:** det vert foreslått å ikkje auka satsane for kopiering av dokument.
- **Takstar for bruk av idrettsanlegget i Hagabotnane:** det vert foreslått å auka satsane med 2,7 prosent.
- **Symjebasseng:** det vert foreslått å ikkje auka satsane. Satsane vil då framleis vera 50 kroner for vaksne og 30 kroner for born. Det er Røde Kors som er badevakt i bassenget og som får billettinntektene.
- **Utleige av kommunale bygg:** det vert foreslått å auka satsane med 2,7 prosent.
- **Avgifter på kyrkjegarden:** kyrkjestyret foreslår å ikkje auka festeavgiftene. Avgiftene for gravlegging for dei som var busett utanfor Samnanger vert foreslått auka med kr 100 for vanleg kistegrav (1,6 %) og barnegrav (2,0 %). Det er ikkje foreslått endring i prisen for urnegrav.

- **Feiing:** det vert forslått å auka satsane med 2,7 prosent.
- **Vassavgifter:** vert foreslått å auka årsavgift og påkoplingsgebyr med 3 %. Gjennomgang av direkte lønsutgifter i 2019 viste at del som vert ført på sjølvkostområdet vatn måtte aukast opp. Det er og gjennomført og planlagt fleire investeringar dei neste åra. Dette gjer at avgiftene må aukast med om lag 3 % dei neste åra. Det som vil påverka prisutviklinga er mellom anna tal abonnentar, investeringar og generell renteutviklinga.
- **Kloakkavgifter:** vert foreslått auka årsavgift og påkoplingsgebyr med 5%. Som for vatn vart det endring i føring av direkte lønsutgifter på avløp frå og med 2019. Fondet vart brukt opp i 2019 og kommunen er avhengig av å få på nye abonnentar for å unngå ytterlegare prisauke. Det er planlagt fleire utbyggingar dei neste åra som skal sikre ein jamn prisutvikling.
- **Slam:** vert foreslått redusert med 10 %. Kommunen gjekk for nokre år sidan over til å fakturere septiktanktømming kvartalsvis (årleg for hytter) i staden for etter at tømming var gjort, vanlegvis anna kvart år. Dei som er tilkopla kommunale slamavskiljarar har heile tida betalt kvartalsvis. Denne endringa i korleis gebyret vart fakturert gjer at inntektene er stabile medan utgiftene varierer. Slam- og septiktankgebyret vart halvert i 2019 for å auke opp fondsbruken. Me ser at det ikkje var stor nok prisreduksjon til at dette sjølvkostområdet er i balanse og det vert foreslått å redusera prisen i 2021 med 10 %.
- **Vass- og kloakkavgifter for eigedomar som er knytt til Kvam sitt VA-anlegg i Eikedalen:** Det er vedtatt at dette skal vere eige sjølvkostområde. Dei første åra var gebyret som i Kvam med eit lite påslag. Dette vart endra frå 2020 då me såg at kommunen hadde utgifter som ikkje vart dekkja inn. Dette gjeld mellom anna investeringar som ikkje kjem inn under avtala kommunen har med Kvam. Det er derfor nødvendig å auka gebyret både på vatn og avløp for å sikre sjølvkost. I 2020 var det ein større prosentvis auke, men årsgebyra og påkoplingsgebyr i dette sjølvkostområdet er langt lågare enn i resten av Samnanger kommune. Begge områda gjekk med underskot i 2019 og det er nødvendig å auka gebyret i 2021 med 5 %.

Sjå vedlagt oversikt for fleire detaljar. Her er satsane for 2020 med som informasjon. Desse vert fjerna når nye satsar er endeleg vedtekne.



SAKSFRAMLEGG

Sakshandsamar: Hilde-Lill Våge	Arkivkode: FE-231
Arkivsaksnr: 20/894	Løpenr: 20/9577
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	12.11.2020	053/2020
Kommunestyret	03.12.2020	101/2020

Gebyrregulativ 2021 for bygge- og delingssaker, plansaker, saker etter Matrikkellova, Forureiningslova og tiltak i sjø

12.11.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 053/2020 Vedtak:

Gebyrregulativ for 2021 for bygge- og delingssaker, plansaker, saker etter Matrikkellova, Forureiningslova og tiltak i sjø, vert vedteke slik det ligg føre.

Rådmannen sitt framlegg til vedtak:

Gebyrregulativ for 2021 for bygge- og delingssaker, plansaker, saker etter Matrikkellova, Forureiningslova og tiltak i sjø, vert vedteke slik det ligg føre.

Dokument som er vedlagt:

Gebyrregulativ 2021

Dokument som ikkje er vedlagt:

Kva saka gjeld: Det er kun gjort mindre tilpasningar i forhold til lovverket i gebyrregulativ for 2021. Formannskapet har ikkje teke stilling til kor mykje gebyra skal aukast med i 2021. Grunna eit år med Covid 19 og låg lønnsvekst på 2,2% vert det tilrådd ei auke på 2% i 2021. Reglementet gjeld frå 01.01.2021.



SAKSFRAMLEGG

Sakshandsamar: Kenth Paul Opheim	Arkivkode: FE-231
Arkivsaksnr: 18/1050	Løpenr: 20/8394
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	12.11.2020	054/2020
Kommunestyret	03.12.2020	102/2020

Renovasjonsgebyr 2021

12.11.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 054/2020 Vedtak:

Samnanger kommune vedtek at BIR Privat AS delegeres fullmakt til fakturering og innkrevjing av avfallsgebyr på vegne av Samnanger kommune, jfr § 12 i forskrift om handtering av avfall frå hushaldning. Avfallsgebyret tilhøyrer Samnanger kommune.

Prisen på renovasjonstenesten for 2021 vert auka med 5 %, med unntak av eigenandelen for levering til gjenvinningsstasjonane og einskilde tenester utanfor standard renovasjon. Desse vert holdt uendra.

Samnanger kommune vedtek avfallsgebyr i samsvar med fylgjande vedlegg:

Pristabell renovasjonsgebyr Samnanger kommune 2021

Rådmannen sitt framlegg til vedtak:

Samnanger kommune vedtek at BIR Privat AS delegeres fullmakt til fakturering og innkrevjing av avfallsgebyr på vegne av Samnanger kommune, jfr § 12 i forskrift om handtering av avfall frå hushaldning. Avfallsgebyret tilhøyrer Samnanger kommune.

Prisen på renovasjonstenesten for 2021 vert auka med 5 %, med unntak av eigenandelen for levering til gjenvinningsstasjonane og einskilde tenester utanfor standard renovasjon. Desse vert holdt uendra.

Samnanger kommune vedtek avfallsgebyr i samsvar med fylgjande vedlegg:

Pristabell renovasjonsgebyr Samnanger kommune 2021

Dokument som er vedlagt:

Renovasjonsgebyr 2021 Samnanger kommune - vedlagt rammen for BIR Privat AS sitt budsjett, forslag til vedtakstekst og pristabell

Pristabell renovasjonsgebyr Samnanger kommune 2021.PDF

Ramme for budsjett 2021.PDF

Kva saka gjeld:

Samnanger kommune er ein av eigarkommunene i BIR. Med bakgrunn i at BIR skal ha lik pris på lik teneste er det viktig at alle eigarkommunene vedtek like prisar. Det er også ein føresetnad at kommunen sine vedtak omfattar samtlege tenester som skal tilbydast av BIR med samanfallande prisliste. Prisen på renovasjonstenesta for 2021 vert føreslått auka med 5 %.

Vurderingar og konsekvensar:

Me syner til vedlegga i sak for meir utfyllande informasjon.

**SAKSFRAMLEGG**

Sakshandsamar: Hilde-Lill Våge	Arkivkode: FE-614, TI-&01
Arkivsaksnr: 18/693	Løpenr: 20/9538
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	12.11.2020	055/2020
Kommunestyret	03.12.2020	103/2020

Husleige 2021 - Omsorgsbustader og anna lokale**12.11.2020 Formannskapet:**

Handsaming i møtet:

Rådmannen sitt framlegg vart samrøystes vedteke.

FORM- 055/2020 Vedtak:

Husleige i omsorgsbustader og anna lokale vert auka med 3 % til:

Omsorgsbustader	Husleige 2020	Husleige 2021
Skottabakken - Reistadliane	Kroner	Inkl. + 3% Kroner
Reistadliane 17,7,9,11	9.500	9.785
Reistadliane 13	6.900	7.110
Hamnahaugen - Tyssevegen		
Tyssevegen 88,90	6.111	6.295
Tyssevegen 92,94	6.614	6.810
Tyssevegen 96,98,102,104	6.700	6.900
Tyssevegen 100	6.900	7.110
Ytre-Haga – Skjervo		
Ytre-Haga 2,4,8,10,12	5.119	5.270
Utleige		
Helsestunet - Samnanger fysikalske institutt	9.198	9.475
Samnangerheimen – Inka Fotterapi	3.373	3.470
Skjervo/Tyssevegen 6 – Samnanger psykiatri	5.119	5.270
Tyssevegen 217 – Tysse -Tannlegepraksis	4.292	4.420

Rådmannen sitt framlegg til vedtak:

Husleige i omsorgsbustader og anna lokale vert auka med 3 % til:

Omsorgsbustader	Husleige 2020	Husleige 2021
Skottabakken - Reistadliane	Kroner	Inkl. + 3% Kroner

Reistadliane 17,7,9,11	9.500	9.785
Reistadliane 13	6.900	7.110
Hamnahaugen - Tyssevegen		
Tyssevegen 88,90	6.111	6.295
Tyssevegen 92,94	6.614	6.810
Tyssevegen 96,98,102,104	6.700	6.900
Tyssevegen 100	6.900	7.110
Ytre-Haga – Skjervo		
Ytre-Haga 2,4,8,10,12	5.119	5.270
Utleige		
Helsestunet - Samnanger fysikalske institutt	9.198	9.475
Samnangerheimen – Inka Fotterapi	3.373	3.470
Skjervo/Tyssevegen 6 – Samnanger psykiatri	5.119	5.270
Tyssevegen 217 – Tysse -Tannlegepraksis	4.292	4.420

Kva saka gjeld:

I Samnanger blir husleiga i kommunale bygg som hovudregel justert 1. august kvart år.

Kommunen har og andre leigeavtalar kor det er bestemt at regulering skal skje i samsvar med offentleg indeks, for eks. konsumprisindeksen. Reguleringstidspunkt er vanlegvis 1.januar. Desse husleigeavtalane er ikkje omfatta av denne saka, og det er formannskapet sjølv som vedtek auke av husleiga for kommunale omsorgshusvære og utleige av lokale.

Både forsikring på bygget (ikkje innbu) og kommunale avgifter inngår i husleiga.

I tillegg bør husleiga dekkja kommunen sine utgifter til både årleg og framtidig vedlikehald. Det vil og vera indirekte utgifter, som for eks. administrative kostnader, som ikkje vert direkte utgiftsført på den einskilde funksjon. Desse bør og reknast inn i husleiga.

Vurderingar og konsekvensar:

Det er foreslått ei generell auke på 3 % på husleiger for 2021 avrunda til næraste 0 eller 5 kr.

Kommunale utleigebustader og anna lokale

Omsorgsbustader	Husleige 2020	Husleige 2021
Skottabakken - Reistadliane	Kroner	Inkl. + 3% Kroner
Reistadliane 17,7,9,11	9.500	9.785
Reistadliane 13	6.900	7.110
Hamnahaugen - Tyssevegen		
Tyssevegen 88,90	6.111	6.295
Tyssevegen 92,94	6.614	6.810
Tyssevegen 96,98,102,104	6.700	6.900
Tyssevegen 100	6.900	7.110
Ytre-Haga – Skjervo		
Ytre-Haga 2,4,8,10,12	5.119	5.270
Utleige anna lokale		
Helsestunet - Samnanger fysikalske institutt	9.198	9.475
Samnangerheimen – Inka Fotterapi	3.373	3.470
Skjervo/Tyssevegen 6 – Samnanger psykiatri	5.119	5.270
Tyssevegen 217 – Tysse -Tannlegepraksis	4.292	4.420



SAKSFRAMLEGG

Sakshandsamar: Ingebjørg Vamråk	Arkivkode: FE-151
Arkivsaksnr: 20/418	Løpenr: 20/9737
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	12.11.2020	056/2020
Kommunestyret	03.12.2020	104/2020

Budsjett og økonomiplan 2021-2024

12.11.2020 Formannskapet:

Handsaming i møtet:

Innleiingsvis orienterte rådmann Ingebjørg Vamråk og økonomisjef Nina Erdal om rådmannen sitt budsjettframlegg. Rådgjevar Bodil H. Øpstebø orienterte om skuleutvikling.

Øyvind Strømmen (MDG) hadde spørsmål til opplysningane om avsetning til disposisjonsfondet i 2021 i rådmannen sitt budsjettframlegg. Han viste til at han ikkje kunne sjå at det er samsvar mellom talet i tabell på side 14 i rådmannen sitt budsjettframlegg og talet i budsjettskjemaet i rådmannen sitt framlegg. Økonomisjef Nina Erdal orienterte om at talet som står i budsjettskjemaet (530 000 kroner) er det korrekte, og at talet som står i tabellen på side 14 i rådmannen sitt framlegg ved ein feil ikkje var blitt oppdatert.

Ordførar Knut Harald Frøland (Bl) viste til forskjellar mellom barneskulen og ungdomsskulen, og spurde om det er moglegheiter for å kunne bruka ungdomsskulen sitt miljø/ressursar til å støtta barneskulen i ein prosess. Rådgjevar Bodil H. Øpstebø bad om at møtet vart lukka dersom ho skulle orientera om dette. Møtet vart lukka medan formannskapet drøfta spørsmålet om lukking. Møtet vart opna igjen før det vart røysta over om møtet skulle lukkast. Det vart samrøystes vedteke at orienteringa skulle gå for lukka dører, med heimel i kommunelova § 11-5. Etter orienteringa og etterfølgjande debatt i formannskapet vart møtet opna igjen.

Øyvind Strømmen (MDG) spurde om kva som ligg i det som står om miljøsertifisering av bygg i rådmannen sitt budsjettframlegg (kva type miljøsertifisering det er snakk om). Administrasjonen kunne ikkje svara på dette i møtet. Formannskapet bad om at administrasjonen informerer om dette i kommunestyret 03.12.2020.

På bakgrunn av ønske frå rådmannen sette ordførar Knut Harald Frøland fram følgjande framlegg til endring i forhold til rådmannen sitt framlegg:

- *"Budsjettsommen til nytt bygg til teknisk drift vert auka frå 3,5 mnok til 4 mnok. Auken på 0,5 mnok vert finansiert av unytta lånemidlar."*

Det vart først røysta over ordføraren sitt endringsframlegg, som vart samrøystes vedteke.

Det vart til slutt røysta over heile framlegget til rådmannen, inkludert det vedtekne endringsframlegget. Samrøystes vedteke.

FORM- 056/2020 Vedtak:

Budsjett og økonomiplan 2021-2024 blir vedteke slik det ligg føre, med unnatak av følgjande endring:

- *Budsjettsummen til nytt bygg til teknisk drift vert auka frå 3,5 mnok til 4 mnok. Auken på 0,5 mnok vert finansiert av unytta lånemidlar.*

Lån, minimumsavdrag og eigedomsskatt:

Det vert tatt opp eit lån på 23 mnok i 2021 til varige driftsmidlar i samsvar med KommuneLOVA § 14-15 første ledd. Lånet skal brukast til investering i vatn, avløp, bygg og veg. Lånet skal betalast ned over 40 år og ha eit avdragsfritt år.

Kommunen betaler i dag meir i avdrag på lån enn det som det er krav om. Utrekning viser at betaling av avdrag kan reduserast med kr 600 000 i 2021.

Eigedomsskatt

I medhald av eigedomsskattelova (Esktl) §§ 2 og 3 skal fylgjande utskrivingsalternativ nyttast for skatteåret 2021: Det vert skrive ut eigedomsskatt på faste eigedomar i heile kommunen jf. § 3 bokstav a. Den generelle skattesatsen som skal gjelda for dei skattepliktige eigedomane vert sett til 7 promille. I medhald av esktl § 12 bokstav a vert satsane differensiert ved at den satsen som skal gjelda for bustader og fritidseigedomar vert sett til 2,8 promille.

For bustaddelen av eigedomen (gjeld og fritidseigedom) vert det gitt eit botnfrådrag på kr 30 000 av takstverdi. Botnfrådraget vert gitt for alle sjølvstendige bustaddelar. Botnfrådrag vert ikkje gitt når eigedomen vert nytta til næringsverksemd.

Det vert skrive ut eigedomsskatt på det særskilte skattegrunnlaget som vert redusert med 3/7 delar i 2021 (overgangsregel til §§ 3 og 4 første ledd første pkt.). Skattesatsen på det særskilte skattegrunnlaget skal være 7 promille.

I medhald av esktl. § 7 bokstav a vert det gitt fritak til stiftingar eller institusjonar som har som formål å gagna kommunen, fylket eller staten. Unnateke er kommersielle stiftingar/institusjonar. Fritaket vil gjelda forsamlingshus, bedehus, turisthytter og liknande. Fritak kan og vurderast på grunnlag av søknad.

I medhald av esktl. § 7 bokstav b vert det gitt fritak for bygningar som har historisk verdi med 100 prosent. Fritak kan og vurderast på grunnlag av søknad. Det er eit krav at bygget har bevart sin opphavlege arkitektoniske stil og at det ikkje vert brukt til forretningsverksemd.

I medhald av eigedomsskattelova § 7 bokstav c vert det gitt fritak for nybygde bustadeigedomar (gjeld ikkje fritidseigedomar) i 2 år, eller til kommunestyret endrar eller opphevar fritaket. Formannskapet får fullmakt til å avgjera einskildsaker om skattefritak.

Kommunestyret har vedtatt å bruka formuesgrunnlag frå skatteetaten for utskriving av

eigedomsskatt på bustadhus, jf. esktl. § 8C-1. Bustadhus og hytter utan formuesgrunnlag vert takserte. Det same gjeld næringsverksemd, tomtar mm. Ved taksering og utskriving av eigedomsskatt nyttar kommunen dei til ei kvar tid gjeldande skattevedtekter.

Eigedomsskatten skal betalast i 4. terminar.

Rådmannen sitt framlegg til vedtak:

Budsjett og økonomiplan 2021-2024 blir vedteke slik det ligg føre.

Lån, minimumsavdrag og eigedomsskatt:

Det vert tatt opp eit lån på 23 mnok i 2021 til varige driftsmidlar i samsvar med KommuneLOVA § 14-15 første ledd. Lånet skal brukast til investering i vatn, avløp, bygg og veg. Lånet skal betalast ned over 40 år og ha eit avdragsfritt år.

Kommunen betaler i dag meir i avdrag på lån enn det som det er krav om. Utrekning viser at betaling av avdrag kan reduserast med kr 600 000 i 2021.

Eigedomsskatt

I medhald av eigedomsskattelova (Esktl) §§ 2 og 3 skal fylgjande utskrivingsalternativ nyttast for skatteåret 2021: Det vert skrive ut eigedomsskatt på faste eigedomar i heile kommunen jf. § 3 bokstav a. Den generelle skattesatsen som skal gjelda for dei skattepliktige eigedomane vert sett til 7 promille. I medhald av esktl § 12 bokstav a vert satsane differensiert ved at den satsen som skal gjelda for bustader og fritidseigedomar vert sett til 2,8 promille.

For bustaddelen av eigedomen (gjeld og fritidseigedom) vert det gitt eit botnfrådrag på kr 30 000 av takstverdi. Botnfrådraget vert gitt for alle sjølvstendige bustaddelar. Botnfrådrag vert ikkje gitt når eigedomen vert nytta til næringsverksemd.

Det vert skrive ut eigedomsskatt på det særskilte skattegrunnlaget som vert redusert med 3/7 delar i 2021 (overgangsregel til §§ 3 og 4 første ledd første pkt.). Skattesatsen på det særskilte skattegrunnlaget skal være 7 promille.

I medhald av esktl. § 7 bokstav a vert det gitt fritak til stiftingar eller institusjonar som har som formål å gagna kommunen, fylket eller staten. Unnateke er kommersielle stiftingar/institusjonar. Fritaket vil gjelda forsamlingshus, bedehus, turisthytter og liknande. Fritak kan og vurderast på grunnlag av søknad.

I medhald av esktl. § 7 bokstav b vert det gitt fritak for bygningar som har historisk verdi med 100 prosent. Fritak kan og vurderast på grunnlag av søknad. Det er eit krav at bygget har bevart sin opphavlege arkitektoniske stil og at det ikkje vert brukt til forretningsverksemd.

I medhald av eigedomsskattelova § 7 bokstav c vert det gitt fritak for nybygde bustadeigedomar (gjeld ikkje fritidseigedomar) i 2 år, eller til kommunestyret endrar eller opphevar fritaket. Formannskapet får fullmakt til å avgjera einskildsaker om skattefritak.

Kommunestyret har vedtatt å bruka formuesgrunnlag frå skatteetaten for utskriving av eigedomsskatt på bustadhus, jf. esktl. § 8C-1. Bustadhus og hytter utan formuesgrunnlag vert takserte. Det same gjeld næringsverksemd, tomtar mm. Ved taksering og utskriving av eigedomsskatt nyttar kommunen dei til ei kvar tid gjeldande skattevedtekter.

Eigedomsskatten skal betalast i 4. terminar.

Dokument som er vedlagt:

Rådmannen sitt framlegg til budsjett 2021 og økonomiplan 2021-2024

Budsjettskjema 2021-2024

Budsjettversjonsrapport drift

Budsjettversjonsrapport investering

Skriv frå Fylkesmannen om Statsbudsjettet 2021 - kommuneopplegget

Budsjettforslag 2021 frå kontrollutvalet

Budsjett 2021 Samnanger kyrkjestyre

Referat med budsjettinnspel frå rådet for personar med nedsett funksjonsevne

Innspel frå eldrerådet til budsjett 2021 og økonomiplan 2021-2024_

Kva saka gjeld:

Rådmannen sitt framlegg til budsjett og økonomiplan 2021-24, som følgjer som vedlegg i saka.

Vurderingar og konsekvensar:

Det mest utslagsgjevande for tala i framlegg til budsjett og økonomiplan har vore nedskjeringar ved og ombyggjing av skulane, styrking av arbeidsmiljø, og fullstendigging av økonomiplanen.

Administrasjonen har hatt som mål å styrke disposisjonsfondet.

Me har òg hatt som mål å synleggjere val som er tekne, slik at det blir enklare for politikarane å gjere endringar i budsjettet. Som ledd i dette har me òg lagt fram gebyrsakene som eigne saker, slik at det blir enklare for politikarane å halde oversikt, samt enklare å finne igjen sakene i systema våre.

Sjå elles rådmannen si innleiing i budsjettdokumentet.



SAKSFRAMLEGG

Sakshandsamar: Jan Erik Boge	Arkivkode: FE-033, TI-&29
Arkivsaksnr: 20/25	Løpenr: 20/10417
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	03.12.2020	1

Interpellasjon om talerett for ungdomsrådet, eldrerådet og rådet for personar med nedsett funksjonsevne



SAKSFRAMLEGG

Sakshandsamar: Jan Erik Boge	Arkivkode: FE-033, TI-&29
Arkivsaksnr: 20/25	Løpenr: 20/10574
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	03.12.2020	2

Interpellasjon frå senterpartiet - KommuneTv

Dokument som er vedlagt:
Kommunestyret 03.12.2020